

2294  
4007

80  
道庵追記  
上







葛庵追訟錄上

先師葛庵李公於明陵己巳三月初六日擢授成均司業特下別諭別諭曰方

御講筵而顧以未得傳雅之儒置諸左右與之講磨為恨今聞大臣之言則爾以讀

書博古之人尤精於經學若出入筵席討論經義必有輔導之益須體予意從速上

東公上梓疏二以幡然改圖予日望之下批閱三月十八日又以亟回遐心裨

補不逮降別諭仍命本道監司勸駕渴思飲之企特如公再辭不允不得已四月

赴召道拜掌令以病辭上傳諭以須體思想之意從速上米特陞工曹參議始

聞仁顯王后不安于位前判書吳斗寅前應教朴泰輔等以諫獲罪備忘記畧曰

朝廢妃實錄昌嘗有如泰輔輩無狀乎如此內懷將心忘君凶逆之類不可無別

樣懲惡之典朴泰輔吳斗寅李世華等子皆同生及叔侄并為削職禁錮終身公

大痛傷即治疏因縣道投進廣州留守李沆以嚴旨既頒不敢工送予觀春秋館

實錄成廟廢妃時固多有爭執者而及其廢出之後無一人復敢是非矣今此尚

真立節稱冤之節忽至於既廢之後而辭意極其放肆無嚴結縲加下痛斥而

鄭俠違禁發遞故事貼黃疏末令曹吏直投政院八直承旨金一又不取奏

疏畧曰恭惟

主上殿下再甫

朝綱一新庶政至於萬機之暇蚤夜孜孜專意

講學蓋將未所以學禮循理為修身正家之本思所以明目達聰為納諫補過之

地臣竊以為邦域之內將興二南之化廊廟之上復見都兪之盛臣乍到畿邑伏

見邸報屬因

天心未豫有動搖

中壺之意大小臣僚以言獲罪者多殊非愚

臣平日所望於

殿下者也臣聞配匹之際人倫之始風化之原不可不慎始而

敬終脫有不幸而虜人倫之變亦且務盡道理曲全恩義不宜遽用威斷使舉措

失當也昔漢之光武行之於前而不亢賢帝之過宋之仁宗行之於後而終為白

玉之瑕唯

殿下念哉戒哉臣又聞伊尹之告太甲曰有言遜于汝心必求諸道

孔子曰法語之言能無從乎改之為貴今日廷臣之言雖或拂志而逆心未必皆

遠於道而盡違於法伏願

聖明求道於逆心之論能改於法語之言體帝克舍

已從人之道法成湯改過不吝之義則宗社幸甚臣民幸甚臣又有未盡之懇敢

昧死竭惓惓

臣聞古語有之明主可為忠言又曰明主可以理奪何以言之夫讜



言駁議易至逆耳致憎而明主能舒究而熟察故雖有狂妄之失每諒其意而恕其愚雷霆萬言無不靡爛摧折而明主能達理畏義故雖有觸忤之甚常霽其威而容其直是故忠諫之言無壅蔽而幽隱必達也臣病伏近郊竊聞近日指揮有言涉忌諱直治之以逆律似非古先哲王設誹謗之木陳敢諫之鼓稽衆察邇隱惡揚善之意也伏願聖明特加三思亟令反汗以幸羣下以廣言路

貼黃曰臣病伏畿邑事當從縣道封疏投進而臣力疾登程道塗留滯承柘府之命最晚又迫疾勢增甌未及陳疏自效而遽遷他職若復迺回遷就失今不言則竊以為沒身不足以滅耻故亟起封疏徑授曹吏詣閣門投進是亦宋臣鄭俠違禁發逆疏進流民圖之意也冒法之罪伏乞裁赦

疏既阻公意欲面爭未及登對坤位已定以國有變故未敘一言為痛恨與洪教官凭書曰五月初六日坤位大定已無及矣奈何奈何遂連章辭職期於必獲古先哲王稽察邇隱惡揚善又曰賞延于世罰不及嗣蓋言之在妄者且信隱而不宣罪雖周加父子兄弟亦不相及也向者吳斗寅等雖狂妄言之在妄者且信禁錮其子壻同生叔姪則似為過重李尚真冒禁陳疏辭職突而曾在大臣之

列年又替艾今若竄死竈商則亦非優老待大臣之義也嗚呼悔之為德至矣孔  
子序書錄秦誓於訓誥之後者誠以帝王處仁遷義之道無以易此也昨歲感  
吏罪死之後咸曰大刑王言殿下若以當日之心處今日之事則豈不維新聖  
德照映方來乎答曰吳耳寅等子孫禁錮固出於嚴懲惡之典而所陳如此禁  
錮一數勿為施行李尚真負犯甚重有難輕錮許後八日又因逢對進言日前者臣  
因御製每水圖說畧有纂集進御之事就其所以廣言路也人主常和顏色而受  
焉夫古先哲王設誹謗之木陳敢諫之鼓者所以廣言路也人主常和顏色而受  
之入臣言事者在外欲陳十事及至上前不能言一二况拒塞之摧折之則人  
主向由得聞其過乎聖德之累特許夜歸田里使之盡其餘則宣不有光於  
窮商則不免為聖德之累特許夜歸田里使之盡其餘則宣不有光於  
聖德乎上曰李尚真罪犯甚重雖有宰臣兩司之言不為允從今儒臣所陳如  
此不可不勉從雖不得全釋撤圍離中道付處

九月 上因雷震求言公遂應音陳疏請為 中宮繼廩設衛以盡處變之道 上  
不聽

疏畧曰臣竊以為廢妃閔氏不循壺彝自絕于天然在 殿下所以處之之道則  
亦宜務盡道理曲全恩義然後可以慰輿望而協羣情何則蓋彼以六禮所聘定  
位中宮奉承 至尊殆將十年今而有罪雖被廢出至於置之閭家絕其廩食略



無毫分假借顧念之義則似未允過當失中之歸臣請依漢武帝宋仁宗待陳郭  
故事處之以離宮別館為設防衛謹其糾禁量給廩料使之得有所賴則於殿  
下處變之道庶幾曲盡無遺恨矣臣於疾病呻吟之餘不勝螻蛄之衷冒犯  
天威敢昧萬死若使臣言萬一有概於聖明則臣死且不朽疏逖賤臣不識忌  
諱言涉僭妄罪合誅殛

批

曰事異古今決難輕議

批後果有修理別宮之命旋因金相德達激而止

聖

給廩料之命而旋即停罷此

甲

戌三月公以焚黃乞暇還鄉

先是七上辭疏乞適銓長不許不得已以焚黃請

多

般沮撓不得施行故四月

仁顯王后復任初九日下簡忘記依宋仁宗嘉祐后

因

此為遂巡歸之計

大臣諸宰一併竄逐公亦以臺啓責洪原縣

命

移入西宮為置分承旨供衛十

大臣諸宰一併竄逐公亦以臺啓責洪原縣

到

配府啓又發以應旨疏中語請勘問

依允執平鄭澍在外執義洪受憑金尋

金

弘損亦在告掌令安世徵諸臺獨啓曰

李玄逸曾在中宮殿下出肅私第之

日

投進一疏有曰不循坤彞自絕于天又曰

為設防衛謹其糾禁噫自絕于天是何

等罪名而乃敢勒加於不敢加之地謹其糾禁亦未知欲防何事而其下語若是  
陰秘耶雖因他事既已被譴而惟為數款亦不可置而不問請拿問其罪遂有命  
公自配所就拿到安邊之高山驛又以金寅所告探內旨事被逮入鞠廳置對  
祭百十月十三日因賓廳入對時有王子生纔十餘日矣公進言曰國家有  
斯之慶此數世以來所未有然禮經有王之適子生其見之與問之有禮庶子其  
問之與見之數亦有禮自其誕生之初等威禮秩已各有節今殿下既已冊立世子  
伏願明其等級以嚴嫡庶之分謹始而令其終則非但為國家之幸亦為新王  
子無窮之福也上曰所陳甚善予將留心焉至是金寅者上變告曰聞之成虎斌  
則上年十月儒臣入侍時受問點睛義徵日然則可以舉事矣云云  
李義徵偕往金元家義徵元家問曰今日可以舉事矣云云  
意如何答曰差緩意可知矣義徵日然則可以舉事矣云云

五月二十八日初推時以金寅招內有云間之成虎斌則上年十月賓廳入侍時  
受問點李義徵指喉以嚴嫡庶之誑探試上意事發為問目即置對曰矣身果  
於王子誕生後十餘日八侍前席大臣諸宰奏事畢進言曰國家有金斯之慶  
王子誕生幸莫大焉然春宮既定位號嫡庶之分不可不明也古者王世子生  
國君視之有禮庶子生問之亦有禮皆所以謹其始也今殿下若取以為法則  
豈但宗社之幸實亦新生王子之福也上意亦以為然嘉歎獎納伊日所



達不過如此今承傳旨內辭緣錯愕駭遽不知所以為對矣身以草野踈賤猥被經帷之命每承裨補不逮之教故感激圖報隨事獻規輒敢援据古義有所云云豈敢受人指喉探試上意之計乎且矣身年過五十始得從仕朝中士大夫無相親相熟之人至於閔黯相知最晚雖有一再相見本無款洽之義李義徵雖有相知之分亦無親厚之情設有此等機密事宜肯語及嶺外踈賤之人乎金寅成虎斌誕妄構誣之狀據此可知矣身雖不肖似猶知以誠信事君之義豈有一毫受人指喉探試上意之意乎矣身情事惟時天日之照臨而已此外不知所云

二十九日更推時以當日入侍罷後與李義徵偕往金元燮家以嫡庶之說探試上意及己巳九月上疏中自絕于天等語發為問目又置對曰矣身曾受閔黯李義徵囑囑探試上意事則昨已備盡無遺今不敢更有所云云當日入侍罷後即為各還其家初無金元燮家相會之事李義徵一處問答之說萬萬無據金元燮

則以同道之義素所相知且元燮曾為安東府使有城化之分故安東罷歸後卧  
病沉綿矣身數次徃問其病而已未有一毫言及時事矣身以嶺外山野之人從  
宦最晚朝士夫視以為迂濶老儒有時相對或訪以古書文義未嘗以當世之事  
相干宣以此等秘密事措諸言語間乎矣身寃枉之狀皇天后土實所共鑑至於  
上疏中措語則矣身於己巳四月以司業赴召纔到近畿猥蒙工議起擢之  
命伊時伏聞坤宮不安之報不勝區區驚慮之忱敢因辭疏瀝盡愚悃竊以為  
配匹之際人倫之始風化之原不可不慎始而敬終不宜遽用威斷使舉措失當  
也漢之光武行之於前而未免賢帝之過宋之仁宗行之於後而終為白玉之瑕  
惟殿下念我戒我云云即因縣道投進則其時廣州留守以嚴旨纔頒不為  
上送矣身必欲其仰關天聰謹依宋臣鄭俠違禁發遞故事貼黃疏末即使曹  
吏徑投政院則政院又以嚴旨之下不敢捧入為辭竟不得徹聞矣身常懷痛  
恨悶迫之情矣是年九月矣身病伏京邸適會聖上以災異求言矣身以前日



痛迫之餘意應 旨按疏有所論列欲望 中宮殿下移處別宮繼其廩料而茅  
以 降出未久 天威未霽其在進言之道不敢以無故 降出為辭而直有所  
請當此之時 中宮殿下有所不豫於 上心而遭意外之事 聖上即 中宮  
殿下之所天故乃敢以自絕于天等語致宛轉委曲之意而其下即云以六禮所  
聘定位 中宮奉承 至尊殆將十年今而置之閤家絕其廩料則不克為過中  
失當之歸請依漢武帝宋仁宗待陳郭故事處之離宮別館量給廩料得有所賴  
則其於處變之道庶幾無遺恨云云此實矣身常痛 中宮殿下降出閤家鉤愁  
窮苦之甚欲有以少致尊安之意而遣辭之際不得不略存處變之意然元疏主  
意全欲為 坤聖冀蒙 恩澤而發宣有一毫包藏禍心語也 國母之意乎至  
於為設防衛謹其糾禁云者矣身常痛 中宮殿下所處閤家荒涼疎綆了無禁  
防衛謹之事以為若於移入別宮之後為設守衛之官得有糾禁之事則庶幾使  
警守稍謹體貌稍尊且古者凡宮城國門皆有糾禁戒令故竊取其義而為之說

此皆無非欲致敬謹於中宮殿下居處守護之道觀其為設之語則矣身本情之所在乃可見矣亦豈有一毫陰秘之意乎若不察下語用意之如何而摘抉文字勒成罪案畢竟使尊上之意反為侮上之歸則豈不究甚矣乎且使矣身少有包藏禍心侵害坤宮之意則豈敢當天心未豫之際邦禁至嚴之日不計一身禍福而前後封章為此人所不敢言之言始則欲望慎始敬終之道終乃首發別宮繼廩之請哉區區此心若得暴白於天地父母之前則矣身死且不朽此外不知所達

閏

五月初一日發論臺官安世徵自劾引嫌而退

避辭曰臣於頃者以李玄逸拿問事論啓蒙允昨日鞫廳之坐見玄逸爰辭原其本情未必有侵逼之意議啓之際諸議皆然臣亦無異同矣有以初既論啓末乃救解為非者臣不勝矍然之至第臣當初拿問之請蓋欲觀其供辭而處之則因其所供原情定罪亦是審克之道也臣之妄見實出於此今聞物議以前



後所執之不同大加非斥決不可一刻苟冒請命遽斥世微初不見全疏聽人指  
知喪實遂引避投効

七月初五日委官南九萬判義禁申汝哲知義禁尹趾善申琬同知義禁安如石等

議啓減一等柝棘于嶺北之鍾城府金寅以誣告伏法死相聞五月

網姜敏著及當時臺諫所攻奪引避延拖終不奏讞至是始議啓人咸謂事皆白脫不過還前配而已迺極邊柝棘莫不究之

議啓曰金寅所告中王子纔生之初遽有明嫡廢之說者其意似為凶慘而

若其措辭則自是人人常談其間情偽有難的知且觀玄遠納供時言辭動止則

自是鄉暗之人設令閔黯李義徵等果為締結凶謀似無與不知高低之人悉吐

其本情之理未知渠自以其心為是說乎為閔黯等所誘不知閔黯等之有意而

發說於榻前乎其間情狀雖不可的知若以此斷以為謀逆而罪之則似非本

情且金寅當初變書中所告莫大於此事者而中間發說亦難知其意既為發說

之後初則以為玄遠往於金元變家言說古者無一定之說尤難必信且非渠親

自得聞者稱以虎斌之傳說則無他參考之人可考之跡亦難以此定罪至於

中宮殿下出處私第之日投疏事則所謂不循坤彝自絕于天者以其措語觀

之則難免人臣之極罪而若其陳疏本意欲其自私第處於別宮繼廩設衛者似

非出於謀害侵逼之計原其本情似亦有差減之道或死一等施以極邊團籬安

置之律似當惶恐敢

啓

議爲虛疎依法處以誣告之律似當敢

啓

依

允

蒼雪齋甲戌日記曰葛翁先生既以臺

啓

謫洪原掌令安世徵据據先生為

仁顯王后請處別宮疏語目以凶慘請拿問勘罪遂自謫中被拿繼而有金時傑

疏論李義徵等嗾儒臣探內事事更有鞠廳拿命既至置對世徵以臺諫叅鞠坐

見先生德容辭辯始覺其誣遂以爽實引避以此斥補懷德縣監旋移配晉州牧

使過山陰入衙軒見主倅李敬以學標曰使君識李某判書字敬以曰鄰鄉耆長

素所親習何但相識安曰君子哉李判書敬以曰此老今日朝廷以為大罪桎梏

而拊棘之矣不意公之有是語安曰吾亦誤聞人言發論請拿及鞠廳坐見其舉



止觀其容貌聽其言辭不惟知其無罪斷乎可保其為有道君子吾雖以誤論引避坐是補外患難窮厄到頭言辭舉止不變其所守自是得道者也嘖嘖稱歎蓋心服也敬以為余言之

錦水記問曰王者以天為天婦人以夫為夫朱子楚辭序有屏妻去婦投淚嘔吟於下而所天者幸而聽之之語已已疏中天字實用朱子此語而今之言者以所天之天為杜撰無倫乃以霍光傳王行自絕于天字論之其亦慘矣設衛以衛王宮自漢魏以來未之或廢周禮宮正掌王宮之戒令糾禁蓋亦環衛糾察之意也今之言者乃以為設防衛之防為防守之防糾禁之禁為禁遏之禁醜詆誣辱無所不至且擅為設字作嚴加字恣意搆捏極其鍛鍊古之為惡者傳會經訓文飾姦言今之為惡者矇前經而不耻惟修郤之是急不知百世之下持公論者以為如何也

又曰甲戌六月二十一日左相朴世采白 上曰古今論事必以一時所重為主

已巳廢妃時廷臣或有面爭者雖以他事被罪其爭論一節足以贖罪李萬元亦其時爭論甚力以至竄逐今以故相宋時烈按律論啓之罪方在謫中李鳳徵亦以其時呈疏未徹今以他罪被削出之罰此兩人所樹立有足可尚而俱在罪籍中似當有分揀之道上曰放釋可也世米又白曰李后定已巳一疏為喉司所阻不得上徹然似當別有廢獎之道上曰令該曹稟處噫已巳初冒禁封章瀝血陳誠而格於禁令守臣不受徑投喉司喉司不捧常懷痛迫思一效忠既而應旨陳疏即請處離宮別館則初疏未徹實與鳳徵后定同而請處離宮之說又萬元等所不及也三人者既蒙廢錄則此獨不宜見遺而戴盆向隅莫有為之言者豈不重可痛心乎

南谷雜錄曰甲戌人於請處離宮疏變換搆捏靡所不至崔重泰以為設字換作嚴加字俞崇輩以不順坤彙勒加不循彙彙且或以彼字為咎然此一字古人用之於所尊之處者非一如彼克舜彼聖賢彼蒼者之類既不可勝舉而如詩之彼



作矣彼美人涼彼武王之彼一則用之於太王一則用之於文武宣急於修却而末之恩耶其亦異矣

八月修撰丁思慎上疏訟先生府 啓請遠竄上不允

疏畧曰李玄逸之為 坤聖抗疏前後非一設使措語間或有未克詳審此不過山野踈濶之致原其大意既出匡輔忠愛之悃亦足表見於世矣向者李鳳徵李萬元等皆蒙廩加獨玄逸總脫圓扉遠投絕塞當時歷血之誠反媒罔極之禍凡人抱冤尚宜恕寃而况曾所禮遇之臣乎疏入政院啓曰臣持伏見修撰丁思慎等知此疏不足眩惑 天聰而既稱所懷不得上捧傳目知道於是府 啓繼發請遠竄 上不允

丁丑三月因大臣陳達 命撤園遷湖南之光陽縣

左相尹旺善請移配 上依允己而因左承旨金世珩疏還寢閣三月初六日大臣南九萬柳尚運崔錫鼎判義禁李世白等登對時更請移配於是復有撤園之命正言崔重泰即曰榻前舉自絕于天為設防衛等語啓請還收上曰勿煩後幾日重泰又上疏畧曰自絕于天嚴加防衛以衛國等語用意凶慘今日赦宥不幾於再誤之歸耶答曰業已酌處勿煩連啓啓四十餘月四月二十九日正言趙大壽等傳啓

而致論前之今啓  
間畧物曰議今以  
此為疏李決還  
遠收之北啓  
亦係已名自諫  
不院先發本  
論云並發之  
疎啓只學重  
國罪

又發待命于晉州之清源里至唐亦傳○茹公承敕命東渡瞻津聞臺啓

辛巳五月因旱災疏決大臣重臣相繼救解始有全釋之命臺諫又請還收車

既無罪狀之分明若以謀害中宮為罪則似非本情且以設衛繼廩之語觀之決

校歸田里而今又有全釋之舉臨在既僚名義則無一毫容恕之道請還收放

上元八月  
仁顯王后昇遐平靈獄起十月持平李東彦上疏  
乞論請黨疏又引也疏

之變出於仙寢未冷之際李玄逸之搆誣坤宮者不可以曾被竄謫有司客貨請

邇置正不允自是連啓至壬子月初六日答曰當初既施桷棘之罰到今



別無他罪而更為特棘事未穩當勿為煩論是後  
辭猶未止壬午三月二十二日正言趙正緯傳 啓

庚寅春復命全釋

辛卯冬以 中宮殿順行痘疹因赦有給牒之 命為掌令洪禹寧所繳還

懿陵庚子十二月首 命復宮政院復遂 上不允 是月初二日歲抄時 特命給

順坤彞壺 順作坤彞以自絕于天等語實是人臣之極罪而 翌日府 啓又發 啓略

給牒之 命處下意外實垂於明義理之典 命臣竊恐 不允 十八日兩司面 啓正言金萬

下不念 先朝下意防之嚴連下意外之餘日皆 命臣竊恐 不允 十八日兩司面 啓正言金萬

國綱由是而漸弛也自以連下意外之餘日皆 命臣竊恐 不允 十八日兩司面 啓正言金萬

今朴嗣正繼之至以沐浴請大臣繼請 上遂允之 左相李健命曰李玄遠自絕于

討義所不己仍請詢問大臣繼請 上遂允之 左相李健命曰李玄遠自絕于

夫以先大王好生之德蕩垢滌瑕之典靡不用極而惟 允從然後可以有光於 聖

帝之日以豈非今日所當體念者乎兩司之啓亟須 允從然後可以有光於 聖

德矣 上 曰依為之 辛丑二月門人進士金聖欽等陳疏訟完政院不受 甲戌初洛下士友欲陳疏聞

不果既而後嶺中人士又唱議設疏旋以本家庸餉 以事關翰獄故疏文已成趙起

揭故止至是門下諸人相率定議推金聖欽為疏首 疏廳日記畧

辛丑正月十六日門人金聖欽等相與議曰先師苦心盡言之誠可質神明而甲戌被誣來經今三十年吾黨之士無敢出口氣一言者實愧於古人舉幡之義況今年久之後彼輩搆誣愈往愈慘沮遏恩命至於此極若終含默則吾輩將何以辭其責哉然必相議于同志稟正于斯文諸長老然後可以始事矣遂聯名奉書于蒼雪權丈事經略曰先師復官之命竟至還收臺章慘毒有倍前日令人氣塞伏想文丈目擊時變念切公私其仰屋長慟又非區區等比也仍竊伏念古人為師訟寃有立幡而聚徒者有守闕而號泣者其生三事一之義殺然有不可奪者惟我及門之士不為不多而自師門受誣來始有餉禍之慮後無可言之路泯默含寃迨今三十年所矣若於此時不一言以伸則先師忠愛盡言之誠終無可暴之日而門下諸人能無愧於古人乎但念此事至重固不可斷以數三淺見故略陳鄙悃仰說崇聽伏惟執事細入思量俯賜指教既又諷厲同人勉以大義萬一上關天聰少伸寃憤則大善雖或不然亦可以解一世之惑而有辭於後



來矣執事裁處焉

二十八日蒼雪丈答來李丈琬權丈斗緯權持平斗紀五六長老聯名其略曰  
示意謹悉此中亦不無此箇意思環顧近地同心相應者指不多屈用此趙趙慨  
歎諸賢乃能先唱可謂實獲我心竊觀兩幅所諭辭氣激昂計慮精到令人聳歎  
感服此事凡我同人豈有歧議當初籲寃之舉中寢蓋由本家餉禍之慮而終無  
一番辨白實為吾黨之耻至於今日則餉禍非所慮而苦心盡言之本意或能因  
此而小暴於天聰則固為大幸雖被阻撓亦足以釋世人之疑謗盛諭所及節  
節中窾淺見豈能外此而別有思量耶如琬實欲躬叅僉議之末席而老病無以  
致身斗經以職名年紀言之雖僉賢誤以疏首見推所不敢辭而大病之餘癯老  
轉甚無以自力只有撫躬浩歎而已欲以朝後聯步往溪院邀同縣老伴合席相  
論後當續以院伴走報會中耳○二十九日金世鏞諸人會于青城書院是日川  
城長老十二員聯名致書來到會所略曰前日發端事會負幾何同儕果響合而

其有就緒之望耶鄙人等俱老病摧頽不得馳進與聞末席餘論悵鬱何堪鄙等  
為議此事私會本院而值山長未到不能議及資裝一款私自書告于黃用五等  
數處姑未見報耳他處如欲發書鄙等名聯書如何會中十餘貧聯名裁答略曰  
此者徃復之際極荷先生長者指教諄悉義理明白再三莊誦有足感動人者其  
在下風何敢不盡心仍伏念此事雖曰為師訟寃而其在吾嶺誰無同聲之願固  
當徧告道內以大事體而事機已急難可回旋莫若以簡便從事只於吾鄉擇一  
便宜處糾合同志從速束裝之為得故區區愚慮欲於此會移文虎院以定會所  
洞主丈趙鄰事亦必樂聞之矣伏望蒼雪文丈約與偕行一時寵臨則遠邇洽然  
傾向凡事抬顧可辦庸非大幸耶疏本專仰蒼雪座下故前後臺章騰上○二月  
初二日發書鄉中諸長老告以始事之意略曰葛庵李先生復官之命既下旋  
寢世道反復一何至此頃在甲戌之初吾嶺同志齊聲奮袂倡發舉幡之議而旋  
有觸機餉禍之慮始事而中止因古撫膺者于今三十年矣彼之扶摘疏語構成



罪案謾詆罔極必欲甘心而直道無瑕公議未泯臺閣自効於前大臣伸理於後  
既蒙全釋又許復爵雖緣沮遏未究聖澤而先大王日月之明固已洞燭無  
餘矣迺者特恩出於新政而彼以耳目股肱之臣不思導揚反加誣罔一則曰  
不道之罪上通于天一則曰指斥先后語意絕悖又敢以先朝前後大需終不  
舉論等語眩惑天聽至於還收而後已噫嘻亦甚矣平日及門之士與我同志  
之人私相咨度簡其規模為從速呼聞之計使當日忠愛盡言之實萬一得徹  
於旒纁之下則固為大幸雖或見阻喉司猶且暴其寃於一世其他有不暇計  
也但念茲事體大不可不廣詢而博訪以求至當之歸茲與若干同儕會于青城  
奉書以稟願聞從長之教惟高明諒察而回諭之幸甚諸處發書移文辭意  
畧同故不能盡錄又裁  
書以告本府校院及英寧兩邑士友仁山本院別為文以通之○初三日義城李  
秀時以錢二貫納疏廳去朝發書函谷請疏本仍定陪疏儒生權謩進士金光國  
金聖欽金聖鐸寧海二貢○初六日蒼雪答東來略曰同人鼎會議論有緒凡有

云云皆合鄙見疏草固當留念只恐不堪用耳安近日鍊石答書略曰疏事實是  
師門不可已之論而寂然無聞者今且三十年常切慨然適者僉兄為此伸辨之  
舉令人差強意也校中答書曰教意謹悉規畫之道甚得其當令人聳歎而校儲  
無多只以五兩錢奉助○十二日移會鏡光蒼雪丈致書云已與安近日約會虎  
院以待同人幸以明夕聯轡臨况耶於是黃壽一權德秀金世鏞即馳赴虎院雪  
翁與洪丈億安近日李叅奉浹柳都事敬時及齋任李廷蓋已來會矣○十三日  
虎院洞主來到金命錫金百欵金聖鐸金謹行柳正字升鉉亦來會雪翁出所製  
疏本與洞主諸公反復商訂遂為定本黃壽一等袖還鏡光真寶儒生權克貞留  
名帖而去○十四日英陽校院奉化文巖書院順興九峰書堂皆具軍送助行具  
自此未嘗求助而來助者也虎溪書院答書來云承喻為師門唱義呼閣瞻仰  
在此一舉甚盛甚盛送錢五兩紙二束三溪道淵兩書院物件亦來○十五日寧  
海校院答通來云我先生復職之命既下旋寢人之搆捏胡至此玆僉尊訟寃



之舉凡在瞻聆孰不聳歎而况忝同鄉里景慕深者執事力所限只送一二儒  
生俾從其後如干物件送助萬一九峰陶溪兩里社皆有物件單子儒生朴滿朴  
命相朴宗相朴迂煥朴迂杰等以錢二兩送助以書致意略曰古人舉幡之義不  
意復見於今日甚盛甚盛生等俱以鄉里後生瞻慕之誠自別於人事力所限所  
助草草殊甚愧歎權丈尚精書來略曰先生復官之命既下旋寢吾儕所共憤  
鬱僉尊發此伸辨之論豈不欲奔走叅聽而病伏未由致身徒增愧恨謹將一貫  
錢奉助李文穩等十餘人送門少李仁遠聯名致書云伏聞僉尊以弊家冤鬱之  
故唱舉幡叫閤之舉瞻聆所及豈勝感涕縱不得奔走於僉尊之後所當盡力  
於居送之費而適當置甚謹呈若干蓋出其門中公儲云別送私錢四兩以公義  
未安辭之曾林書院答書來略云今此訟寃之舉士林之所共扼腕而聳激者也  
當援例奉助而物力單薄謹以二貫仰助萬一安延日又以書來且送周溪別庫  
錢三兩仁同士人申坊書來略曰先生復官之命竟為一邊人所沮仰呈長吁

昭雪無期竊聞僉兄有舉幡之計不任欽歎謹以一貫錢奉助屏山山長金佶荅書來略曰先生受誣之寃吾黨之所共憤鬱而思欲一雪者也今日僉兄之叫閤伸雪不容但已時之便否有不暇顧也弊院寬東殊甚奉助若干○十六日開坐杏壇推李上舍光庭為疏首遂發書通告于晉州密陽昌原同門諸處曰門館聚散已經數十寒暑每念舊時從遊之樂未嘗不向風起懷也先師復官之命出於三十年覆盆之餘感祝鴻恩慶幸方深曾未幾何旋收成命抑鬱痛迫之情當復如何仍念此事在吾儕久當有一番伸暴而泯默以至於此者只以時義無可言之會也今當新服之初有此格外之恩而搆誣之言愈往愈甚終使聖澤未究則今日之舉尤不當終無一言故茲與同志之人議定叫閤之舉已於本月十七日發行固知時世終無可望之理欲以粗伸私義而已事之利鈍固不暇計也疏首則李上舍光庭陪疏則金上舍振伯朴龍相權驀四五人事當前期相通以遂同事之願而事出倉卒途里遠未果相報雖深缺恨然計僉兄之



意亦無異同疏帖中俱已列書名字茲以因便轉告惟僉兄諒之是日自泗濱來  
助○十七日疏行始發宿寬泉驛○十九日疏首到樊川墜馬重傷不果行遂落  
後○二十六日午後入城往見邵洞李上舍世瑗示以疏本則李丈點改數處仍  
及疏事云自甲戌後迄無一言以辨實為吾黨之羞今日之舉何可已也京中士  
友及嶺人在洛者或以為不可但已或以非其時難之清州士人羅重慶見疏本  
亟稱辭意稱傳因言已已之變仁顯王后不幸出宮無所聊賴而天威方震  
羣下悚懼無論請處離宮至於廩料之請亦無一人敢發於口而獨此爺有此疏  
所謂不循自絕之語庸何傷於為國母盡忠之意乎若使此疏出於渠輩則其  
蒙廩嘉之典固已久矣而今乃以此成罪誣辱斯極公等此舉誠所不可已者  
其徹不徹不在於我公輩惟為其所當為者而已他何可計乎其言明白痛快令  
人歎服○三十日疏首終不能至權謇諸人相議推金聖欽為疏首○三月初四  
日午後始伏閣騎省政院相推不捧入向夕退歸沈知事檀伴問于闕門外

疏首以先師已巳初兩疏往視之沈台覽訖驚歎曰此老當初阻格之疏忠懇如此其至而當時同朝如我輩尚未及知况彼輩乎此在今日固不可隱默諸君之舉誠是誠是蓋沈公即吾儕中所推望而其言如此亦幸矣○初五日朝後詣閤門外招門吏呈疏槩騎省喉院又却不捧入湖南儒生吳蓋佐來閤讀先師兩疏嗟歎不已曰湖南吾儕於此爺不能無疑者以已巳終無一言耳今見此疏乃知此爺所樹立果如此也若使南州人得見此疏足以解前日之惑而景仰益切矣遂謄兩疏一通而去○十二日朝後改疏槩峻斥政院壅蔽之罪詣閤門外入送疏槩又不受蓋自初四日至今九日之間無日不伏閤往復數十喉院一向阻搪是日暮金聖鐸家倅忽至報兩親違痛危重疏事既無呈徹之望家鄉急報又如此遂撤還

疏

伏以臣等先師故儒臣李玄道學有淵源望重山林蒙

先大王特達之知被異

前修撰權斗經



禮頻煩之 召輔德 經幄致位冢宰 眷倚之恩際會之盛可謂曠世一遇矣  
不幸 恩禮未終橫被罪名七旬縲絏四載桁棘北囚南遣備極危迫告身追給  
乃在身沒之後 先大王固已體諒其無他而旋尼於黨議我 殿下新政之初  
更申 先朝之 命 綸音一播士林相慶感仰 聖明察覆盆之冤施漏泉之  
澤而大小之臣追提已冷之言必沮 特降之典噫嘻亦太甚矣臣師立身自有  
本末前後登朝竭誠 啓沃愛君憂國之忠可質神明當已已夏 仁顯王后出  
就松笄也至降 指揮有敢爭論直以逆律罪之臣師時以工曹叅議祗 召在  
道冒禁封章惓惓於慎始敬終盡道理全恩義之說而以漢光宋仁之事為戒呈  
于縣道而縣道不受納于喉司而喉司見却臣師自傷忠規未徹過舉莫揀適於  
其秋因災異求言應 旨陳疏請依漢宋待陳郭故事處以離宮設防衛而繼餽  
廩噫當是之時 天威震疊防令至嚴語涉 坤宮為世大禁而臣師獨能不計  
禍福屢抗忠言言雖不符而寸誠之炳然殆不可誣也至於不循自絕之語特以

處分已定威怒未霽欲盡批鱗之言則無益於回天欲效納牖之義則或可以動聽故乃為遷就不得已之辭以冀天聽之或回至言苦心亦可想見矣而前後臺章舉此成罪不亦寬甚矣乎凡看文字須看主意之如何若挾摘言語勒成罪案則其能免於咎獲之橫罹者鮮矣昔宋相韓琦當英宗病失常度兩宮成隙之日其諫英宗之言曰父母不慈而子不失孝乃可為稱夫章獻太后慈愛天至威德冠世琦豈真以太后為不慈之母哉朱子當光宗久闕過宮之日其草封事有曰清明之地物慾昏之則父忘其慈施於子者不無小過夫孝皇為宋賢明之主素著止慈之德朱子豈真以為失於慈愛而有小過也哉人臣進言納約之道固自有微權也若不究其本心之所在而摘句語以成罪則韓琦不免為誣章獻而朱子不免為謗孝皇矣父子之間人所難言而兩臣本心惟在於引君盡孝納君無過而已故未聞以此得罪於尚論之君子臣師陳疏之意本出於奉處離宮設防衛而繼餼廩則所謂云云之語夫豈有一毫侵逼之意而拈出單辭勒成大僇



泉壤之中尚被禁錮誠可痛也臣等曾見甲戌臺臣安世徵避辭有曰臣於頃者  
啓請拿問昨日輟廳坐見其供辭原其本情未必有侵逼之意議啓之際諸議  
皆然而臣亦無異同委官南九萬讞辨曰其陳疏本意欲其自訟第處於別宮繼  
廩設衛者似非出於謀害侵逼辛巳疏決時吏判李雷之言曰玄逸之罪名雖重  
本情則非謀害中宮矣領相崔錫鼎之言曰李玄逸既無罪狀之分明若以謀  
害中宮為罪則似非本情先大王卽有教曰玄逸之事非出於謀害中宮  
而罪狀異於他乃許以全釋至辛卯冬又有復官之命旋被臺格而中寢前冬  
聖明之還賜職牒寔出於追先朝禮遇之意體先王伸枉之典而相臣臺臣  
迭進交爭極意醜詆至曰先大王蕩垢之典靡不用極惟此兩人終不舉論於  
前後大需畢竟還收而後已噫已卯之賜環辛巳之全釋辛卯之復官謂之終  
不舉論豈大臣於此未及致詳而云爾耶急於沮遏而不自知其言之爽實誠可  
異也甲戌六月相臣朴世采以故承旨李后定當坤聖出宮之日陳疏見阻而

樹立可尚宜示崇獎遂有廢贈之命臣師當初陳疏之不徹同於李后定而後更有請廢離宮之言若援李后定之例雖一體廢贈未見其過而復官之恩猶必阻撓是何前後相臣扶抑之有異也臣等伏聞先師甲戌三月以焚黃告歸也先大王引見宣醕屢示惜去之意于時我殿下幼齡在東宮以臣師兼帶齊魯先王命引殿下使之接見顧侍璫諭殿下意使從速復路其禮遇眷注復出尋常先師在時未嘗不感激流涕也逮至四月朝著一變諸臣論罪無不一啓即允而獨於臣師臺章則請寬極邊而初止削黜再止近配眷顧餘恩於此可想未稍之疏釋牽復雖或行或寢而中情之荃揆亦可見於疏決時天語矣臣等仍竊伏念天道雖悠遠三十年必一變以春秋廢誅之筆亦於十年之後變其書法臣師之累紱文網今三十年矣聖人作新萬物咸覩而獨抱窮天之冤終無蒙霽之日良可悲也臣等為亡師抱咫尺之義非不欲早扣天陛一訴悞臆而當拍係流播之日固嘗有齊聲瀝血之舉則為臣師所苦口力沮而止向後



時移事變謗焰稍熄或冀漸次銷釋 澳恩有日此臣等所以泯默徊徨以至于  
今者也迺者歲月許久時議轉激深文峻詆愈往愈甚若此不已是玄遠之  
罪名將無時可雪豈不重可痛哉惟 殿下體 眷倚之先志察究屈之深痛復  
宣渙汗之 命以慰多士之望不勝幸甚

葛庵追訟錄上

葛庵追訟錄下

辛丑六月自 上復命給牒即日政院覆送是月初二日歲杪時特命職牒還給  
先大王俯燭其罔救之罪屢經天帟終新給牒之典則其意可察諸王法決不可還  
即先王臺啓可見奉 先志之盛意而曾未幾時乃有是 命換諸王法決不可還  
給告身俾 上答曰既骨之人屢經大帟則職牒還給有何不可亟停勿煩於是府  
同平人 啓又發請加三思亟寢給牒之不脩自絕之語語逼 先王辭意絕 上又答曰勿  
煩初五日大臣備局堂上引見時相繼力請還收遂 依啓者領相金昌集 命左相陳

其不可幸而還收不意今者又有是命政院覆送臺啓連發  
勿煩或輕議蕩典丞以詳其罪犯而然耶此先大玉所以屢經大  
前請盡力承旨李挺則正言金樺相繼論啓遂依允申  
癸卯三月進士李壽寅與嶺外多士封章訟冤見阻喉司又不得徹聞而歸

疏廳日記畧

癸卯正月四日因虎溪書院謁廟洞主前掌令羅學川及士友數十人來會以為  
向年為李先生訟冤出於門下諸人而至於一道章甫齊聲呼闕則尚今闕然  
豈非吾黨之羞耶遂定議設疏先以文通告于校中曰葛菴李先生以吾南儒宗  
被誣於一邊人莫暴戴盆之冤者于今幾年吾黨中為師申辨尚此遷就豈非羞  
恥之甚者耶茲於虎院齊會之日竊慕古人舉幡之義論及封章詢謀僉同將以  
今十七會于本校以為更確通告道內同志之地自校中即通告一府○十七日  
會于本校六十餘人遂定制通進士負檣聖鐸寫通檄考觀金樺儒生製疏請于權  
正言斗經趙佐郎德鄰洪主簿相民鄭泰奉葵陽通文既成通告列邑士林曰惟



我葛菴先生以吾南儒林之宗師被群讒不測之誣辱悵鬱未伸逾三十年而往  
時舉幡之義僅出於若干及門之士至於一道章甫齊聲叫闕為儒宗申辨則  
闕然久未之聞也此豈非吾黨後生之羞耶先生之受誣可謂寃甚矣方已已變  
故之際先生以工曹叅議祇召在道冒禁封章呈于縣道而縣道不納納于喉  
司而喉司見却先生自傷忠規未徹過舉莫揀適於其秋因災求言應旨陳疏  
請處離宮以全恩義前後兩疏雖或徹或未徹而始則為聖上效匡救之誠後  
則為國母致尊安之意于時天威之震疊防令之申嚴言者有罪不言者無  
責而先生不顧利害竭忠抗言惓惓之誠終不自已則雖未回天於當日宜若  
無罪於異時而顧乃扶摘疏文中一句語不諒其委曲遷就之本意勒加以絕悖  
無倫之罪首尾三數十年醜詆矯誣愈往愈深至于庚子冬成命還收之日而  
極矣然而先生苦心盡言之忠既炳然難誣故臺臣請拿推者反有自劾之啓  
大臣鞠獄議讞者亦有平反之請至辛巳疏決之日廟堂明其罪狀之曖昧聖

教諭以本情之無他放釋之恩荐被於生前復官之命隨加於身後而及夫  
新聖御極之初又申前朝曠蕩之典則先生被誣之實固已入於前後聖明  
之體察向來當軸之人亦既舒究而赦解之矣惟是一種修隙之輩恣意羅織極  
口詆毀遂使天澤阻隔而不流至冤鬱結而靡暴噫嘻亦慘矣自古儒賢之罹  
讒忠蓋之抱枉孰有若是之甚者乎生等竊惟念吾嶺士風自昔有稱允係衛道  
扶正之事孰不碎首爭先而獨於此老乎尚不能為之一辨者雖緣時議之未當  
餉禍之可慮而亦坐於士氣之不及曩時而然也今者日月方新四門廓開凡  
諸冤枉幽鬱次第獲伸則吾輩為先生一暴危忱不於此時而又何俟乎或者以  
為即今朝論尚有撕捥之嫌此時封章恐無伸暴之望生等竊以為不然往時南  
崔尹李諸相即今日當路群公之領袖前人既以論救於當時而後人乃反沮抑  
於今日乎況今此之舉成敗利鈍付之於不可必之域而惟為吾之所當為以廢  
幾解惑於一世而有辭於方來者乎生等茲與繫府士林齊會於本校議以克合



為指日裏足之計敢此徧告于列邑同志諸君子冀有以感激奮聳協聲相應伏  
願僉尊各自惕念出力共濟克完大事千萬幸甚○二月初七日遠近士林齊會  
設䟽于鄉校菁莪樓本府虎溪三溪屏山周溪青城鏡光龜溪道淵魯林勿溪泗  
濱各書院黥溪伊溪兩精舍陶淵梧溪龜潭福川松坡甘泉九潭道村松川周村  
水谷勿野沱陽各書堂太師廟鄉廳醫局答通及物件來到府使李公仁復以小  
米一石太二石正二石錢文二兩黃筆五柄真墨五丁來助列邑校院及公私所  
助逐日相續而至禮安陶山書院大丘伊江南岡研經三書院寧海校院義興校  
院仁同鄉校延日校院順興校院英陽校院奉化校院比安校院青松松鶴書院  
慈仁校院慶山校院尚州玉成書院善山校院龍宮校院豐基校院玄風校院昌  
寧校院靈山校院梁山校院咸安校院真寶校院義城校院清道仙巖書院茶原  
校院盈德校院永川校院金海校院慶州校院金山鄉校晉州鄉校答通物件來  
晉州儒生李台老錢文三兩壯紙一束白紙三束英陽儒生趙錫奎錢文二兩清

道儒生李碩材朴增遠錢文三兩白紙一束密陽儒生李演安命夏錢文七兩壯  
紙三束白紙二束昌原儒生金尚鼎錢文一兩白紙一束金海儒生李震徽錢文  
二兩軍威儒生洪有龜李台俊等錢文四兩蔚山府使洪尚賓錢文三兩白紙二  
束魚鱸數種彥陽縣監李台望錢文五兩壯紙二束白紙三束寧海府使洪尚寅  
錢文三兩白紙二束海錯六七種龍崗縣監柳敬時錢文十一兩及他物十餘種  
沃溝縣監朴崇古錢二兩紙二束契樹察訪金泰華錢一兩紙一束晉州牧使黃  
勸錢文三兩壯紙一束白紙二束右兵使崔鎮漢正木五匹壯紙二束白紙三束  
晉州營將白守一正木二疋壯紙一束白紙二束送助各處疏本相繼來至○二  
十三日權正言以未疫不得入來疏廳與安迺日鍊石及傍近士友會于陶山書  
院議用趙都事疏本○三月初三日開坐杏壇公事貢朴上舍龍相金上舍聖欽  
以疏首圈點之意通于坐中出疏首薦首薦開寧李上舍壽寅副薦慶州李上舍  
德祿末薦本府安上舍老石圈點則首薦準點出坐以朴上舍履相金上舍光國



為疏色分定陪疏儒生以金命錫管行○初六日將啓行齊會杏壇贊引權夢揆  
引接疏首出外疏廳午後登程所經州縣儒紳至集相送校院各出力以資行具  
○十四日八城十六日金命錫持疏本往李叅奉決寓所相與議定凡事且抹洛  
中僉議皆以辛丑疏為甚明切雖有他作必無過此者云故遂定用權正言疏本  
○十八日奉疏詣闕下呈疏槩喉院却不肯受自是月至四月初一日無日不  
伏閣改疏繫峻斥政院者五而終不肯捧入勢無奈何遂奉函而退前後洛中  
料從宜在城內者麟次

疏

前都事趙德鄰

臣等伏以先朝儒臣李玄逸講道山林造詣精深踐履篤實遭過先大王拔  
自草茅擢置臺省多所建明卒與時議不合而去留落不前晚更際會起膺召  
命數年之間位躋崇班出入啓沃契合昭融不幸禮遇未終橫被搆誣拘囚枵  
棘身幾不保尚賴天日孔昭察其無他曲賜保全放還田里繼因國有

慶首還告身旋以臺論互爭沮格不行逮我主上殿下嗣服之初適追先志特降給牒之命喉司繳還臺府爭執既不得請則又為金昌集李健命等公肆誣罔強聒不已遂使成命還寢臣竊痛之臣等竊惟臺臣之所論執相臣之所搆捏以為人臣之極罪者亦惟曰不循壺彛自絕于天兩句而已此兩句乃玄逸已巳論救中殿疏中語而本自薦綽說過以起救護張本而此輩就元疏中截去上下孤行此句突兀揭起以為陷害之阱以售眩亂之計臣等請以玄逸前後兩疏極言而竭論之以聽聖明之財幸焉徃在已巳五月玄逸承召在道拜工曹叅議行到圻邑始聞國有大變坤極動搖驚隕震駭即搆疏附進所懷而惓惓乎妃匹風化之本原反復乎漢光宋仁之失德而於慎始敬終之道三致意焉投之縣道則縣道以禁令纔下而不受急於上聞違例徑授曹吏呈于政院則政院以禁令極嚴而不捧徊徨躊躇之際處分已下位號已定矣雖無及於事而可以自效者惟在於致尊安之道極保護之儀故懷欲陳之而未有路適會遇



災求言應旨投䟽而 上天之威怒未霽 中宮之降出未久其在進言之道不敢言無故降出須有十分婉曲之語庶幾一端調護之誠其曰不循自絕云者姑以略順當日之 嚴旨以見見絕於所天其以自絕為言將欲效其款款之愚亦不敢專歸之上身而激之也是故纔安此兩句其下即繼之曰六禮所聘正位中宮則所以嚴正嫡之位也奉承 至尊殆將十年則所以明 配體之尊而移處離宮量賜廩料者依漢宋故事致其奉養之禮也為設防衛謹其糾禁云者据周禮經文用王宮之義也縷縷血懇片片赤心炳炳如丹斷斷無他而奈何一時之人乘時逞憾扶摘言句以互回處變之辭目之以極罪以防衛糾禁之請指以為陰秘及爰辭上達據經暴實則發論臺官自効爽實按獄大臣原情上讞而尚持餘論柙圉絕塞雪窖炎荒必欲置之死地而 天鑑在上照矚無餘首議䟽釋俯詢諸臣則大臣崔錫鼎以為玄逸罪狀不明而以設衛繼廩之言觀之則決非謀害矣吏曹判書臣李奎以為以䟽意觀之則本情非謀害矣此兩臣者非有爰於

玄逸而其所讞議實出公心故得蒙放釋之恩曾未幾時繼下原復之命雖以一時之浮議未允擢奪百世之公論至此而可定矣迺者我 殿下特命給諫者蓋出於追 先王之遺意而修郅之徒乃謂 先王未嘗舉論於前後 大需之日其罔上無忌憚亦已甚矣嗚呼已已之變臣子之不幸目見 翟儀出宮降處閭閻從衛軍寒次舍荒涼為臣子孰不欲號泣而隨之以冀 天心之悔悟哉誠未感回事已至此則一時諸臣進不敢言退不敢議者誠恐欲益反損是以抑鬱而無誰語玄逸乃於始聞之日陳疏獻規雖不得上徹而其苦心猶在也又於事定之後進言不已雖不蒙 俯施而其誠意獨至也其樹立如此其忠鯁如此豈非仁者之勇巽與之言而獨以此些言句受此黯黯以沒其身直至三十年之久持之益急置之不測之科豈不謬悖大寃哉臣等每痛其受誣罔極久欲封章叫闕而玄逸自以報國無狀死不償責凡有此論輒抑而不許臣等泯默以俟今則玄逸死矣齋恨八地懷痛窮天永無昭雪之期臣等不言臣等亦有罪矣頃嘗一



進封章庶暴危惻而見阻喉司逡巡而退今者朝著一新妄意進言之路不比曩  
日欺負之習一洗舊套是敢千里累足合辭齊聲冒貢封章庶幾登徹於 黈纁  
之下而竊自念玄逸出入 宵筵獲近 睟穆之光其甲戌下鄉也 先大王引  
對清燕仍 宣召我 殿下同侍前席玄逸叨被 異恩還家感泣而每欽誦  
玉質天成聖學日就是能承燕翼垂裕之謨基 宗廟無疆之休臣等與聞而言  
猶在耳 殿下蓋嘗觀其人而聽其言矣至於前後疏本或者未盡經 睿覽輒  
敢畧取䟽語迹段辨析繁而不殺淨寫投進欲望 殿下試賜省覽日月之明必  
能得其心而洞燭其誣捏矣伏願 殿下俯記簪履之舊痛斥萑菲之言夫施  
曠蕩之典一洗丹書之寃以慰泉壤堙鬱之懷以答士林顙祝之望

又

前叅奉鄭葵陽

恭惟我 主上殿下踐阼以來端拱而龍見淵穆而雷聲 宗枋再安王章亦明  
凡在含生食毛之類孰不欽仰 聖德鼓舞神化裁獨我故儒臣李玄逸誤以文

字之誣尚阻 大需之典者方且三十年矣昨歲 殿下知其寃也斷自 宸衷  
許復官爵此則庶可以伸鬱疏塞少慰多士之望者而旋因相臣臺臣請張沮遏  
使已成之 命纔汙而還收臣等竊為之慨然也嗚呼玄逸學問淵源自有傳授  
不必覲縷於 四聰之下而 先甫考大王聞其賢而禮聘之數歲中超遷為大  
宰苟非言論風旨足以動人主而聳一世者寧有是哉玄逸感激 恩命不敢固  
守東岡其相得之歡交泰之盛雖古之都兪吁咈者無以加之則知玄逸之心者  
無如先 大王也不幸已巳年中 仁顯王后降在私第時則玄逸以國子司業  
赴 召命行到廣州始聞其報乃曰 國有變而未及匡救臣罪大矣即以盡人  
倫善處變之道瀝血剝肝鴈作一疏從縣道投進則本州留守辭以 嚴旨不肯  
上送故旋為貼黃疏求依宋臣鄭俠違禁發遞之例而令曹吏徑進政院則政院  
又不受當是時也玄逸之憂傷煎感欲一碎首殿陛而不能得者庸有極哉未幾  
因雷震之變自 上下求言之旨玄逸自幸其得言之秋而第念 天威震疊尚



未開霽若於此際盡言不諱則自己禍福本非所恤而其於坤宮未知處分果何如也是故措辭下筆之間務要詳審委曲不敢以無故降出之語直指而顯諍之先言不循壺彝自絕于天兩句然後繼之以六禮所聘正位中宮奉承至尊殆將十年今雖廢黜當處離宮別館設防衛繼廩料等語蓋納約自牖之義當如是也而其時築碁之徒反以此為玄逆一件罪案臣等竊惑焉當初先大王之不豫於坤宮也敢諫者論以逆律故蒲朝股慄不肯出一氣以效其忠而玄逆獨自冒鈇鑕犯雷霆言人之所不能言是所謂知有君而不知有其身者也在昔文忠公李恒福之諫廢母也引瞽瞍常欲殺舜之語以擬之夫瞽瞍天下之頑父也而喻之於不當喻之地豈真以母后有殺舜之心哉文穆公臣鄭述曰內主詛祝外應逆謀母子之恩已絕神人之憤孰甚此豈真以母后為有是事哉然仁廟改玉之後朝廷不以瞽瞍之事逆謀之說追論其罪反以為忠臣至今國人傳誦以為美談蓋緣慰君父之意而濟國母之危者不如是不足以有

概於上心也今有閭閻一孝子有其母見忤於其父被黜則其子善於幾諫者當直言其母之無罪乎若然則無益於母而增父之怒也必從容婉辭曰母誠有罪矣然不若姑為容忍以全夫婦之恩然後怒父可悅而出母可返及其母返之後始乃追咎曰曩汝以汝母為有罪是無子道也其可乎哉君臣猶父子也向之論李玄遠者何以異於是若所謂為設防衛謹其糾禁云者其時坤宮雖或不幸而處閭閻家以昔日國母之尊而降屈暗苦與匹婦無異其所居之屋亦荒涼踈綰了無衛護防禁之事則為臣子者其忍恬然熟視不思所以尊安之道乎況王宮糾禁之法載在周禮防衛之請蓋出於此而論者又以是目之以侵逼噫嘻亦甚矣不顧本意只執文句至今尊上之意反為侮上之歸忠君之誠未免負君之罪則天日照之鬼神臨之此雖不足為玄遠污穢而多士之抑鬱斯文之闕轍亦豈非聖上所當體念處耶玄遠前後心蹟如彼其懇懇無他故當時大臣如南九萬崔錫鼎李奮等為之相繼救解此實廟堂公議也倘令三臣者不死玄遠



之快伸無餘憾應已久矣臣等竊伏聞文敬公臣尹宣舉遺集中有一兩句犯觸  
孝廟論以不道鑄削其刊本毀撤其祠字似若無所容於覆載之間者而殿下  
訪落之初首先疏釋此誠盛朝美事也今此玄逆文字之誣實與宣舉同而尚  
未蒙伸雪之舉殿下之於二臣豈有好惡之偏哉此由臣等尊賢衛道之誠不  
及於湖儒舉幡之義也頃年金聖欽等僅上寂寥一章而亦不能發明玄逆心事  
雖以殿下之明何能盡燭於覆盆之下哉善乎宋儒司馬光之言曰國家不可  
以采名不采實誅文不誅意今若不采其實虛勒罪名不究其意但誅其文則豈  
不為司馬光之所譏議也伏願殿下仰體先王禮遇之恩俯念儒臣忠懇之  
誠特命辨寃復官以慰章甫之望權正言所製就辛丑疏本畧加增裁洪主簿所製大意與兩疏本同故今皆煩不復錄

今上甲辰十一月前掌令羅學川應旨陳疏訟先生寃

疏略曰李玄逆之得罪不過坐文字之失而多年竄謫以其罪也故歸田里赦其  
罪也復其官爵先王之命所以厚之也既罪矣既赦矣其人與骨皆已朽矣而

及至今日罪名如初并其子若孫而廢之噫嘻亦太甚矣書曰令出惟行不惟反  
惟我 肅宗大王命復官爵者前後凡幾皆出於 特令而一令而反二令而反  
三令而反之至於歲抄亦不舉論黨論常勝而 王命常不勝一之已甚其可再  
乎其可三乎若使此人得罪君父而不得罪於時論則 兩聖前後之 命亦不  
至於沮格而不行也此臣之所未解也至如已巳之人目之曰名義罪人人臣得  
罪名義則何敢一日容息於覆載之間哉此誠禁人錮人之好題目也然當時盡  
臣節者獨朴泰輔一人若使泰輔責其在廷之臣曰汝何不效死如我云則固不  
敢辭其責而必受罪之不暇若以泰輔之出於其黨而其時其黨之為大臣三司  
同在於其庭者皆以泰輔自處責人之不能盡節則不幾於五十步而笑百步者  
乎臣竊笑之且名義二字自有定體決不可任情輕重而舛施之也故惟我 肅  
宗大王嘗下教曰已巳事豈可比擬於先海時耶若以諸臣不能碎首力爭為范  
仲淹孔道輔之罪人則容或可也何可每以不當擬之事比之於不當擬之地耶



古語曰欲投鼠而忌器何敢若是其無嚴大哉 王言辭嚴義正如日星之昭揭則此不為當時諸臣之斷案而諸臣之心事畢露無餘矣南九萬尹趾善申琬亦豈為已巳人地而猶不敢以名義罪之建白以言其不能力爭之罪而明其名義之為無撓今日諸臣亦豈盡不識義理之人而不有君父之教強執偏黨之論勒加以不當加之罪反為脅制之欄柄但知投鼠之為急而不顧其器之為可忌其於人臣分義果何如也 聖教所謂何敢若是者蓋言人臣分義之所不敢也而乃敢敢其所不敢而敢之此又臣之所未解者也

答曰應旨進言予甚嘉尚而予以為爾亦未克於朋比之習也

南谷雜錄曰乙亥六月疏決時領相南九萬曰已巳伏 閣諸臣臺 啓中至此於鄭造尹訒極為無撓 上曰當日諸臣不能碎首力爭為范仲淹孔道輔罪人則容或可也亦不可比擬於呂夷簡九萬又曰光海時責在下已巳事責在上上曰見此於光海者極苦寡躬失德雖多豈至如光海乎於是應教金鎮圭疏斥

九萬 上特下備忘記罷黜鎮圭不叙噫其時在廷諸臣未盡匡救之責而猶蒙  
聖教之原察況在嶺海千里外疏逖之臣始聞於事定之後者乎廣州封章見阻  
邦禁雖未登徹亦足以暴白於世且請彙疏為 國母靡不用極而以處變一句  
語至擬於昏朝賊臣宣不繆悖乎哉

丁巳夏門人副修撰金聖鐸上疏訟先生寃

上震怒命拿鞠訖是丙辰春一邊人

請嶺儒李騰至等疏亦其非嶺人李海老嶺人申鑑為隣至對舉疏訟毀南中儒先  
無所不至并攻金聖鐸轉及於先生極其非籍至是聖鐸因辭疏略辨其誣枉之狀

疏略曰臣於前年因辭司諫院正言疏附陳區區愚見而略論黨論之沉痾士習  
之不正大為一邊人所憎惡湖儒李海老等疏斥臣以陰私巧媚庸儒申鑑等疏  
目臣以謏言誣誣其所構捏侵攻殆無餘地而醜詆之辱又及於臣師臣李玄遠  
至與昏朝賊臣仁弘比並為誹噫臣之受誣不必下白而至於玄遠則戴盆之寃  
已至四十餘年之久矣今又緣臣一疏遭此無限詬辱在臣生三事一之義亦宜  
忍淚默而已耶玄遠之至今名在罪籍者以已巳秋應旨疏中一句語而若以其



全疏本意觀之則實欲為聖母致尊安之道為先大王盡處變之義已卯之  
賜環辛巳之全釋庚子之復官雖或行或寢而既蒙天鑑之下燭又有相臣之  
平反則其本情之無他亦可見矣况玄遠當已巳初其以司業被召在於四月  
行到廣州為坤聖陳疏而見阻喉司不得呈徹則其謂之主張論者不亦冤  
乎臣知殿下於已巳之事付之先天而竊自慙以臣之故辱及師門不避猥越  
冒犯忌諱伏乞聖明憐其情而察其實疏入承旨柳儼啓曰即者校理金聖  
向者儒臣疏伸其師而名在罪籍何敢肆然陳疏由為營護乎至於已巳之事  
付之先天等語尤極曲折無倫亦今臣子妄敢以此等語陳之於殿下之  
前乎如此之疏不可獨例捧入而亦不可不一經睿覽以後處分故不得  
捧入之意敢啓傳曰知道同日備局堂上引見時上特下嚴旨即令撤翰  
於是司諫許沃持平洪啓禧進士李德臣等送進交攻連施四次刑訊而終不服

七月豐原君趙顯命上疏伸金聖鐸上命削顯命官職初趙台以金學士薦主為  
洪啓禧所論罷至是上

特命叙用即上疏論之

疏略曰臣罪名纔勘情地尚艱實非開口言事之時而况且以薦進嶺人被譴則

尤何敢以嶺人事有所論例也然此閔國家刑政大體而既有所懷豈忍以微嫌細故徒拘而不一陳於明主之前也聖鐸以妄言將抵於死是其自取固不足惜然其實則玄逸乃根本也聖鐸乃枝葉也根本之玄逸死於牖下枝葉之聖鐸死於桁楊則其於本末輕重之倫果何如也况朝廷初不以逆律勘玄逸而以護逆責聖鐸不幾於罔民者乎先朝與當子事體雖曰不同玄逸與聖鐸輕重不亦有間乎必欲以護逆誅聖鐸則追行孥籍於玄逸而後可也不然金石之典自有次序護逆之律不可輕施於聖鐸也明矣至於先天之說亦宣有別般隱情可以限死鞠問者而朝廷之名論太勝王獄之議讞失乎惜乎殿下之廷曾無一介張釋之耶國有事則曰是曰非可否相濟自三代已然今則一夫唱之萬人同聲在外或憂其過中八對則皆言其可殺心口異行忍能面謾間有一二傳生之論而旋復沮縮不能自遂又何其不武也

傳曰位在重臣有懷所陳即何不可但閔係重處宜乎審慎上款所陳已涉寒心此



猶不足下教而於聖鐸則關係若何而終致杖斃其心若過則雍容以陳其或可也而其所下語極涉謬矣玄逸之不盡其法曰非謹遊則於構經家鉞何其勅勵先於此人關係尤重豈可以其人伎倆而置之此疏還給削職

是月臺諫徐命臣上疏攻趙台仍及先生所撰鄭文莊碑陰記

書臣鄭經世碑文不載仁顯王后於其中子孫至今掩置不敢出此非遂乎

疏畧曰玄逸之罪不

但疏辭悖逆撰故判

罪不

錦水記聞曰趙龍洲撰愚伏鄭文莊公神道碑文其家無資力久未刻樹後四十

年今上壬申癸酉間其曾孫錫僑始鳩工立石請追記其孫曾未傳于碑者

仁顯王后實為文莊外曾孫女而方就私第故有所諱而不敢書甲戌復位

後一邇人又將因此別作題目添一禍網為自中稍持公議者所沮事得已其後

數年宋炳翼出牧尚州愆使其家刊去其刻而後已昔宋晏殊撰李宸妃生之母

誌文有云生一女早卒無子及章獻劉太后薨崩仁宗見其誌恨之出誌文以

示宰相曰先后誕育朕躬殊為臣子安得不知乃言生一公主又不育此何意也

仁宗所

母

母

呂許公時為首相對曰方章獻臨朝若明言先后實生聖躬事得安否仁宗默然  
不復罪也命殊守金陵明日以為遠改守南都後八相以令觀之晏誌雖不敢言  
有子不必言無子而猶為時相所伸辨况當日事勢既不敢言定位坤極又不敢  
言廢處閭家則諱而不書之外當如何處之手後必有辨之者

八月正言閑宅洙

啓請毀祠依允

啓略曰今聞李玄遠之書院在於寧海其冒  
方官之任其營建不為潔齋之罪不可不論坐令道臣即日毀撤創建當該地方官

方官不叙

上允之○明陵丁卯士林為存齋先生立祠於寧海仁良里西麓下名

家曰仁山書院後四十二年戊戌道內章甫以先生已

命撤享

是月趙相顯命正

疏復申前說

上命還給疏

本自趙台前疏後上即傳曰金聖

趙尚綱尹陽來徐宗低金聖應等聯名引嫌戶判金就普禮議申脫修撰韓翼蒼洪

昌漢正言李命坤閔龜珠司諫徐命珩掌令尹得徵等相繼致趙台至諸遠竄水肯

李守沆李重庚俞健基校理鄭履儉等上疏伸趙台彼此交章朝著審蕩

上以時象不佳至於閉門却睡至是趙台始蒙給牒叙用故有是疏

疏略曰蓋臣前疏所論不過法律輕重非敢干於名義耳名義雖嚴豈可捨法律

而求之哉只緣臣文辭拙直不能為婉遜委曲之語致令見者駭愕聲討森嚴猶



非天地父母旻覆而曲庇之則性命幾乎不全滄浪之取尚誰咎哉然臣於此竊有所未曉者昔在辛巳故相臣李畬以判義禁請放玄逸甲辰冬嶺人羅學川上應旨疏顯訟玄逸載在記注書者可按覆也前後一玄逸而學川訟之則獎用之聖鐸言之則誅戮之請放玄逸如古相臣者則見推為領袖略論聖鐸如臣者則不兌為護送未知名義有時而輕重法律隨人而低昂耶

傳曰王者處分豈可無信既付混沌則設或陳之不必若此而不悛快意甚涉非矣給之金學士因此遂得減等旃棘于海外後一年量移湖南之先陽縣

葛庵追訟錄下

上葛菴書

蒼雪

秋間因洪太僕所附致慰狀竊計已關崇聽向於科儒之還知台體重惠寒疾旋就  
平善欣慰何極恭聞呈假南歸拍忌不敢迎拜路左仰叩展布次第為之張然一出  
世路經歷事變平生抱負已略試矣竊觀聖主寵擢禮待之隆君臣之際不可謂  
不相遇矣未知果出於中誠相信者耶抑或有出於聲音笑貌者耶朝廷大臣有肩  
愛慕而為之調護者乎吾之所以獻替謀猷者有可以塞重望報隆遇而有辭於良  
史者耶夫山林特起與科目常調不同聖主之所望士大夫之所期待莫不  
君子事業責之一言而不中一事而不稱輒羣起而尤之其能如胡文定之  
者有幾人哉今之由是路出者其亦難矣一日而八朝則朝廷之闕失不可以不言  
君德之愆違不可以不正民生之利病國家之休戚不可以不留心某雖跼伏山中  
不聞某政之失某事之闕然上則災異荐臻而天心未豫下則貪穢肆行而民生不  
遂矣廢耻道喪奔競成風至以科舉一事言之內而京試外而鄉選私意橫流蹊



紛然國言藉藉有識寒心不謂昏朝覆轍復見於今日也在今改軌之初正宜君臣  
交勵大小協謀施為舉措一出於正使無隙可議無間可乘猶恐不足以鎮浮議而  
杜譏口况其所以行之者若是其憤憤哉愚恐一番退處之人不但反唇相訾方且  
陰拱竊喜而他日債事之後在家不知之責先生亦不得以辭之也門下以休休有  
容之量有拳拳好善之心應知遇蒙顯擢自通德不數荆而躋嘉善契合之隆誠曠  
世一遇矣 聖上既待以非常之寵禮先生既不得終辭而受之則人亦不得不以  
非常之德業責之言他人之所不敢言正他人之所不敢正格君心之非任世道之  
責四方之人不以望於他人而望於門下其將何以當之哉退陶先生嘗言吾東方  
之稍有志慕道義者多罹世患雖由地偏人澆亦其所自為有未盡學未至而自處  
太高不度時而勇於經世况今之時與退陶之時又加遠矣舉國奔爭朝著為戰場  
而失志之流睚眦辟睨幸 國家有事而欲乘其隙者嗚呼其危哉於是而訐謔設  
施又不足厭人心而服衆志則不幾於以燕伐燕而束縕救焚乎先生如不得終辭

世道之責則其惟益務正學益拓宏規自治之功則一毫不敢忽易致君之業則一事不敢放過正已而率物責難而陳善行大中之道絕偏私之累且博求直諒敢言才識遠慮之人收之門下使之集衆慮廣忠益又推之以至誠處之以大公確然獨立於頽波之中超然遠覽於幾微之際使存諸中者純粹而正大見於事者光明而俊偉赫然有以新一代之耳目而變一代之風采庶乎上酬明君之知而下慰蒼生之望不審先生其有意乎如其不可則曷若及今早與之判決試以一事為之兆以觀聖主之俯仰而定其行藏不有愈於坐縻虛禮逡巡有待而未兌顛沛於求流者哉某狂簡小子行不掩言自家心身全不能理會而敢論大君子出處之道誠既愚且僭矣唯平日感先生獎掖之私義不自外所以不自量而效其區區如此惟先生不以人而廢言矜其愚而察其誠焉

又

三月中連承連便所付書恭審絕漠冰霜謫居道體神衛康泰奉讀感歎不啻得陽



世音也。節屆初夏，塞外凍釋，伏惟起居益連安吉。素位而行，無入而不自得。固君子之能事。況竊味書意，方以任重責大，道遠年暮，為憂矧然，有望道不見，惟日不足之歎。以此發憤之誠，忘憂之樂，將不知鍾鼎之為榮，枿棘之為窮，區區牢愁，滯鬱固不待等堤以障，而自退聽於三舍之外矣。羨承縷縷垂教，不以愚無似欲推而納諸君子之科，惓惓有矜迷牖惑，誘掖接引之意。口詠心惟，恍如陪函丈奉音旨，忽不知沙塞關河之貽阻也。某向者亦嘗有意於此事，只坐脊梁不硬，擔荷不起，既不得日受鉗錘於嚴師畏友之側，初緣被人標榜，卒成與俗遷渝，一向放倒馴致，狂肆遂為四五十無聞之歸。環顧自失，茫然愧赧。今欲回頭住脚，尋理舊業，而鼎器已破，錮露不下，新嗜靡甘，舊習難奪，計非歲月工夫所能追補。朱夫子所謂知得如此是病，即便不如此是藥，真是知言。而只是即便不如此，甚非易事也。前秋下鄉，意欲仍往不返，臆末及春暮，兩度專人求遞，輒為僚友所阻，搪既又念齋郎祿隱，只是門蔭例授貧卑冗散，不過為關柝之流。古人偶奇，婆婆歲身羈絆，亦或一道。且流聞北鄙，遷人以

年荒似有南移之舉或覲過路邀拜遂於月初復到齋所所謂援而止之而止者第  
未知其能不自失焉否惟先生酌義垂教俾兄尤悔如何齋居僻靜不失為山林歲  
月正好為學而近有科業之累殊不省事也調中還有書籍可備繙閱否曾見晦齋  
李先生謫中挫中庸九經衍義未及成書而下世實為斯文欠典先生若能續纂竟  
成完書作一經世之大訓不但於先正有光豈不為世道之幸歟餘伏祝為斯文增  
護以慰遠誠

非栗谷李氏四端七情書辨

葛庵

退陶李先生嘗與高峯奇氏有四端七情辨反復論難久乃歸一其後有栗谷李氏  
者出斥退陶之定論拾高峯之前說以為高峯之說明白直截退陶之論義理不明  
肆加譏誚不少顧忌間或不能盡乎人言而勒加把持其說縱橫顛倒參錯重出足  
以眩夫未嘗學問之庸人而由知道者看之適足以為未嘗聞道之驗彼方且攘臂  
高談振而矜之以為聖人復起不易吾言雖千萬雄辯之口不足以回鄙見侈然有



自多之氣非特其說之流禍將酷只此氣象已先不好有以啓後生薄前賢好已勝之弊吁可畏哉今其說頗行於西湖間以為理氣無互發之論發前古所未發書契以來未嘗有公相傳道蔓延肆行學絕道衰世頹惑之故竊不自揆擷取其所以與牛溪成氏書中所言无害於理者輒敢逐條為之辨欲以曉當世之惑而但恐微學賤言語不足以取信故凡所駁正不敢輒據已見率用先賢議論為之按斷後之覽者有以考焉

李曰四端不如七情之全七情不如四端之粹七情則統言人心之動有此七者四端則統七情中擇其善一邊而言也固不如人心道心之相對說下矣

愚謂七情固是性之欲然却觸形氣緣境而生故有有節與無節中節與不中節四端固是秉氣而發然以其直出於仁義禮智之性故曰乃若其情則可以為善乃所謂善也蓋其所從來各有所主自其根本而已然初非發則一達而既發之後擇善一邊而為四端也愚故曰四端七情立言命意自不相蒙不必牽引配合

而強為一說也李氏謂四端七情不如人心道心之相對說下矣而朱子曰喜怒哀  
人心也惻隱道心也則朱子固以四端七情分屬人心道心而相對說下矣

李曰四端七情正如本然之性氣質之性本然之性不兼氣質而為言氣質之性則  
却兼本然之性故四端不能兼七情七情則兼四端孟子舉其大槩故只言惻隱羞  
惡恭敬是非而其他善情之為四端則學者反三而知之人情安有不本於仁義禮  
智而為善情者乎

愚謂李氏謂四端七情如本然之性氣質之性有兼氣質不兼氣質而為言者固  
是既知其然則當各就本文以究其指意之所在可也何必強為牽合尋覓仁義  
禮智之端於血氣勞攘人欲膠擾之中乎蓋孟子之前未有言性善者孟子懼是  
理之不明思有以明之而但性之本體無聲臭形象之可言惟其端緒之發最可  
驗由其有四端必知其有仁義禮智之性猶百尺之木自根本至枝葉同一條貫  
也孟子本意但以四端為仁義禮智之發而不曾說道氣上故朱子之註解孟子



未嘗及氣稟之說乃曰孟子分明是於人身上抱出天之所命者說與人要見得本原皆善也今必曰七情兼四端欲明四端七情同為氣發之驗其亦異乎朱子之旨矣

李曰其發而直出於正理而氣不用事則道心也七情之善一邊也發之際氣已用事則人心也七情之合善惡也

此三条出初啓成牛溪書

愚謂李氏言直出於正理而氣不用事則道心云者則是矣而其曰七情之善一邊云者則不是蓋道心發源於性命而不生於形氣也其曰七情之合善惡也則是矣而其曰發之際氣已用事則人心也者不是蓋人心本生於形氣不待其發而氣已用事而後為人心也李氏既謂七情包四端不如人心道心之相對說下矣而又以道心為七情之善一邊又曰氣已用事而後為人心則不免其說之自相矛盾矣

李曰吾心之用即天地之化也天地之化無二本故吾心之發無二源矣人心道心

雖二名其源則只是一心若謂理氣互發則是理氣各為根柢於方寸之中未發之時已有人心道心之苗脉理發則為道心氣發則為人心矣

愚謂李氏以天地之化無二本明吾心之發無二源則似矣而實不然也夫形而上者謂之道形而下者謂之器太極陰陽不可謂有二理然以無象與有氣而言之則不能無道器之分朱子曰太極在陰陽中非能離陰陽也然至論太極則太極自是太極陰陽自是陰陽惟性與心亦然所謂一而二二而一者也朱子語此止此言天道人道皆然也由此推之則天道之元亨利貞人性之仁義禮智皆是形而上而全是理故由是而出焉在天為絪縕成通復之化在人為惻隱羞惡辭讓是非之情若天之陰陽氣化人之血氣軀殼皆是形而下而雜以渣滓故造化之施或有夏寒冬熱之變而所生人物便有厚薄義惡人心之發或有中節不中節之差而食色攻取至於化物窮欲何為而然哉於穆不已之命純粹至善之性固無有不善而以氣化騰倒好惡無節而有此常變淑慝之分也夫然則豈可謂陰陽太



極終無形而上下之殊而人心道心果無根柢苗脉於未發之前耶

李曰所謂或原或生者見其既發而立論矣其發也為理義則推究其故何從而有此理義之心耶此由於性命在心故有此道心也其發也為食色則推究其故何從而有此食色之念乎此由於血氣成形故有此人心也云爾非若互發之說或理發或氣發而大本不一也

愚謂李氏以或原或生之說為見其既發而立論欲以明理發氣發之失然孟子欲明人性之善而先言四端以明性之本然今以此心之發由義理者謂之原於性命以此心之發由食色者謂之生於形氣者意亦如此蓋所謂泝其流而知其源者也李氏今所推說適所以發明人心道心發於理發於氣之理而猶復云云是猶言十不曰二五而曰五二也不亦惑乎蓋李氏之於退陶則顯加譏諒無所忌憚在朱子則多方遷就曲求其合而卒不能出乎本旨之外其所蔽亦可見矣李曰發之者氣也所以發者理也非氣則不能發非理則無所發此二十字聖人

復起不易語言

無先後無離合不可謂互發也

愚謂李氏所謂發之者氣止非理則無所發此二十三字掇拾前人言句揣摩為說到初非分外奇特而便自誇詭以為聖人復起不易斯言則已過矣況其所以為說不能無失蓋其意以為氣之始雖自理發及其既發則動靜云為機自爾也而理無與焉殊不知理之所以為理者其體冲漠無朕而為生物之本其用發於事物之間而無所不周也李氏又譏老先生互有發用之說慢罵虛喝前後重沓然竊詳老先生當日所論則以二者相須互在其中為說初無理氣有分合先後之意而李氏勒如把持障斷人話頭亦可見其不能盡乎人言從容玩索之病也

李曰朱子發於理發於氣之說意必有在亦不過曰四端專言理七情兼言氣云爾非曰四端則理先發七情則氣先發也

愚謂李氏以朱子理發氣發之說為意必有在而釋之曰是不過曰四端專言理七情兼言氣云爾則其言踈濶無情理若朱子之意果出於此則其命辭造語必



不如此安有欲說四端專言理七情兼言氣之故而謂四端是理之發七情是氣之發乎蓋或原或生  
理發氣發之說分外明白終不可作別意看故羅氏以為有二歧之見奇氏以為偶發而偏指是雖不得其理而猶不失其言之本指今李氏乃欲駁率前言以從己意並與其言而失之可謂惑之甚矣

李曰退溪立論曰四端理發而氣隨之七情氣發而理乘之所謂氣發而理乘之者可也非特七情為然四端亦是氣發而理乘之也若理發氣隨之說則分明有先後矣此豈非害理乎

愚謂李氏以理發氣隨一款為決正公案持之不置然不能盡乎人言而遽為之鍛鍊羅織者也夫所謂理發而氣隨之者猶太極動而生陽靜而生陰之謂也理才動氣便隨之豈有先後之可言乎如屈伸在臂反覆惟手屈之伸之臂須隨之反之覆之手須隨之又如人隨之乘馬馬隨人人繞動着馬須隨出非謂人已出門馬尚在廐待駮策牽引而後從之也朱子曰太極動而生陽靜而生陰非是動

而後有陽靜而後有陰截然有兩段先有此而後有彼也此朱子說此其為說較然  
明其其於理發氣隨無離合無先後之義可不謂明證乎且李氏非以四端為氣  
之發欲與七情配合為說則孟子說出四端發明人性之善大有功於聖門之意  
果安在哉勉齋黃氏之言曰方其未發此心湛然及其感物而動則或氣動而理  
隨之或理動而氣挾之實與理發氣隨氣發理康之說同條而共貫也勉齋之學  
精微縝密不應不見理氣不相離之妙而亂道胡說今以退陶之故又可同科而  
並論耶

李曰見孺子入井乃發惻隱之心見之而惻隱者氣也所謂氣發也惻隱之本則仁  
也所謂理乘之也非特人心為然天地之化無非氣化而理乘之也是故陰陽動靜  
而太極乘之則非有先後之可言也

愚謂李氏以理氣不相離非有先後之故而謂見孺子而惻隱者氣也則失孟子  
之旨矣謂陰陽動靜而太極乘之則又失周子之旨矣夫理氣固不相離然方其



乍見孺子入井時心中本有之理隨觸而發心包蓄不住氣着脚手不得

此三轉語節畧

懽子則惻隱豈非理之發耶孟子元初本意固出於此而今以四端為氣之發則其可乎哉夫太極固無聲臭影響之可言然實為造化之樞紐品彙之根柢在無物之前而未嘗不立於有物之後在陰陽之外而未嘗不行於陰陽之中

此亦朱子語

則不是空虛冥寂但為陰陽氣化所乘載而已也故周子曰太極動而生陽靜而生陰又曰動而無動靜而無靜神也朱子釋之曰此說動而生陽靜而生陰自有箇神在其間不屬陰不屬陽自是超然於形氣之表貫動靜而言其體如是而已矣

此子語

此言太極自有動靜也何關於氣乎今日陰陽動靜而太極乘之則是

以太極為箇虛無空寂一物事而已其可乎哉所謂乃發亦未安

李曰竊詳退溪之意以四端為由中而發七情為感外而發天下安有無感而由中自發之理乎今若以不待外感由中自發者為四端則是無父而孝發無君而忠發無兄而敬發豈人之真情乎見孺子入井然後此心乃發所感者孺子也孺子非外

為

物乎安有不見孺子之入井而自發惻隱者乎就今有之不過為心病耳非人之情也

愚謂李氏謂老先生以四端為不待外感而由中自發張皇其說肆為譏揣然今按老先生所與奇氏書則有曰四端感物而動固無異於七情但四則理發而氣隨之七則氣發而理乘之未嘗不待外感由中自發之語則李氏何從而得此無稽之言乎孟子本以見孺子入井而有怵惕惻隱之心明在中之理隨觸而發之義老先生固不應背却孟子本義而向別處做出葛藤之說也

李曰七情包四端不可謂四端非七情七情非四端也夫人之情當喜而喜臨喪而哀見所親而慈愛見理而欲窮之見賢而欲齊之者喜怒哀樂仁之端也當怒而怒當惡而惡者怒惡義之端也見尊卑而畏懼之者禮之端也當喜怒哀懼知其當喜怒哀懼是又知其不當喜怒哀懼者非智之端也善端之發不可枚舉大槩如此七情之外更無四端矣



愚謂四端七情各自為一說其不可牽合為說也久矣朱子既曰四端是理之發七情是氣之發云而於七情分配四端之說未嘗領可其答喜怒哀樂愛惡欲却似近仁義之問曰固有相似處於喜怒哀惡是仁義衆懼主禮欲屬水則是智之說曰且麓低地說但也難分其答喜懼衆欲都有惻隱上發之問曰七情不可分配四端七情自於四端橫貫過了蓋其所從來各有根柢所以為說各有地頭不可混而同之此而合之李氏於此未嘗低心下意參互紬繹以究其同異遽欲以一途槩之故其所為說每有把攬牽合支離遷就之病殊可惜也

李曰四端謂之主理可也七情謂之主氣則不可也七情包理氣而言非主氣也子思論性情之德曰喜怒哀樂之未發謂之中發而皆中即謂之和只舉七情而不舉四端若以七情為主氣則子思論大本達道遺却理一邊矣豈不為大欠乎

愚謂李氏謂中庸只言喜怒哀樂而不舉四端以明七情之包四端似亦有理然惜其於聖賢之意得其一而遺其二也孟子子是混淆言之以明未發之前一理

渾然既發之後真妄始則孟子是提出言之只論其性不及氣質要人見得源流  
 皆善子思說自是子思說孟子說自是孟子說語意自不相蒙若孟子只就子思  
 所說喜怒哀樂中擇取善一邊而為四端則其誰曰孟子專指其發於理者言之  
 而為發前聖所未發乎夫以一介物事指而言之各有地頭朱子曰孔子說性相  
 近都渾成孟子却只說得性善其所言地頭各自不同必要去亭合便成穿鑿受  
 曰人心有分別說底有不恁地說底如箴說人心都是好對道心說便是勞攘物  
 事愚亦以為七情有渾淪說底如中庸樂記程有分別說底如朱子理之發氣之  
 理動氣今以七情對四端說故有主氣主理之分也

李曰必以人心道心為辭欲主理氣互發之說則寧如羅整菴以人心道心作體用  
 看雖失其名義却於大本上不至甚錯也再上十條出

愚謂李氏於整菴人心道心為體用之說顯斥其說而陰主其意以為於大本上  
 未錯夫李氏所謂大本者何理氣渾淪不可分開之謂也夫理氣自相依附離了



陰陽固不可以理言然就此上面當見其本體元不相離亦未相雜耳今以不相離之故而不復辨別其所從來者各有根柢以為人心道心其源則一既發而流於人欲然後方有人心道心之別云爾則是未發之際理氣渾為一物及其既發然後方揀別天理與人欲也如此則其所謂大本者將不克和泥帶水為一箇汨董底物事豈不大謬乎

李曰理氣之說與人心道心之說皆是一貫理氣之不相離者若已的見則人心道心無二源可以推此而知之耳右此皆牛溪別紙惟於理氣有未透以為或可相離各在一處故亦於人心道心疑其有二源耳

愚謂心之虛靈知覺非有二體而其知覺從義理上去者謂之道心從血氣上去者謂之人心知覺則一而所從來者各有所主則不善其以一心而有兩樣也故程子以人心道心判為天理人欲分作兩邊說朱子亦以為人心者血氣和合做成道心是稟受得仁義禮智之心自其根本而已譬做兩片說蓋天理人欲不是

同體而異用者也。今以理氣渾淪不可分開之故而謂人心道心之發本是一途。云爾。則是以天理人欲渾為一區。有辨別性氣兩字不出之病。其可以此而譏別人於理氣有未透耶。所謂舍己顛預而謂人顛預也。

李曰：理氣不能相離。人心道心孰非原於理源一而流二。朱子豈不知之乎。特立言曉人各有所主。若真以為理氣互有發用。則是朱子亦誤也。何以為朱子乎。

愚謂李氏以為人心道心皆原於理。朱子非不知源一流二。但立言曉人各有所主。則是不得於言而不反求諸心從而為之辭也。夫或原或生之說已極分曉。而彼猶多方遷就曲生訓解。則固無可言者。然朱子答季通書曰：人之有生。性與氣合而已。即其已合而析言之。則性主於理而無形氣。主於形而有質。主理故公而無不善。主形故私而或不善。公而善故其發皆天理之所行。私而或不善故其發皆人欲之所作。此所以有人心道心之別。蓋自其根本而已。然非為氣之所為有過不及而復流於人欲也。朱子語此其為說八字打開。少無疑晦難明之處。其與



李氏所謂人心道心源一而流二者果何如耶此則不待辨說而其同異判然矣  
朱子若道我本意如此莫枉帶累我則將何辭以對耶

李曰羅整菴識見高明有見於大本而即疑朱子有二歧之見此則雖不識朱子而  
能却於大本上有見矣但以人心道心為體用失其名義亦可惜也雖然整菴之失  
則在於名目上退溪之失在於性理上退溪之失較重矣

已上二條出重  
答牛溪第一書

愚謂李氏推尊整菴以為大本上有見而却譏其不識朱子者所謂販私鹽者得  
數斤蠶魚渡箇過得閔津者也羅氏顯斥朱子有二歧之見誠為可罪然自立己  
見別作一義不復強為牽合差却本文正義則猶賢於郢書燕說多方遷就者之  
為尤無謂也其以人心道心為體用之說為名目上失其以四端七情互有發用  
之說為性理上失者尤所未曉今不必辨

李曰氣發而理乘者陰靜陽動而機自爾也非有使之也陽之動則理乘於動非理  
動也陰之靜則理乘於靜非理靜也陰靜陽動其機自爾而其所以陰靜陽動者理

也夫所謂動而生陽靜而生陰者原其未然而言也動靜所乘之機者見其已然而言也理氣之流行皆已然而已安有未然之時乎是故天地之化吾心之發無非氣發而理乘之也

右出答牛漢長書

愚謂李氏謂陰陽動靜機自爾也非有使之也陽動則理乘於動陰靜則理乘於靜非理動靜也此實李氏主意所在本原綱領前後許多云々皆自此一槪中脫出也夫理雖無為而實為造化之樞紐品彙之根柢若如李氏之說則此理只是虛無空寂底物不能為萬化之原而獨陰陽氣化縱橫顛倒以行其造化也不亦繆乎夫一理渾然貫動靜而為之主故化生發育錯行代明萬端千緒不失條序夏熱冬寒水流山峙馬鬣牛角李白桃紅巨萬古如一日若不以理為主而一任陰陽氣化之為則必將夏寒冬熱山夷川湧馬生牛角桃樹生李花其絕異差忒殆不可名狀矣故朱子之解太極曰性為之主而陰陽五行為之經緯錯綜又曰春夏為陽秋冬為陰從古至今只是這箇陰陽是孰使之然哉乃道也其答鄭子



上書曰理有動靜故氣有動靜若理無動靜氣何自而有動靜乎又有問太極是  
兼動靜而言曰不是兼動靜太極有動靜又勉齋黃氏推說動靜者所秉之機之  
義曰太極是理陰陽是氣然理無形而氣有迹氣既有動靜則所載之理安得謂  
之無動靜凡此數說發明理有動靜之義如此分曉其與李氏所論陰陽動靜其  
機自爾非有使之者也理秉於動靜非理自有動靜之說果不相戾耶李氏又謂  
夫所謂動而生陽靜而生陰者原其未然而言也動靜所秉之機者見其已然而  
言也理氣之流行皆已然而已安有未然之時乎蓋其意似若以理為在陰陽動  
靜未生之前及其流行發用則理無所與而獨陰陽氣化自為動靜者然何其說  
之謬耶夫靜即太極之體也動即太極之用也一箇太極流行於已發之際歛藏  
於未發之時動便屬陽靜便屬陰即以陽動陰靜便是所秉之機又豈有未然已  
然之分乎此與蘇氏所謂物生而陰陽隱善立而道不見者語意相類蓋不知理  
之所以為理而揣摸言之故其說每如此雖自謂於理已融會吻合而亦可見其

未嘗實有所見也

李曰所謂氣發而理乘之者非氣先於理也氣有為理無為則其言不得不爾也若非氣發理乘一途而理亦別有所為則不可謂理無為也孔子何以曰人能弘道非道弘人乎同上

愚謂李氏主張氣發理乘之說而以理發氣隨有先後離合之失故恐其說之自相矛盾以為其所云非謂氣先於理也氣有為理無為若非氣發理乘一途而理亦別有所為則不可謂理無為也其說百端千緒參錯重出然考其要歸則惟此段及上段為其闕挾蓋李氏嘗聞理無為之說常認理為虛無空寂不復知其妙萬物而樞紐乎造化宣釋氏所稱空諸所有之遺意耶或有問於朱子曰大學或問中有曰理雖散在萬物而其用不外乎人心不知是心之用否曰理必有用何必又說是心之用又曰理在中心心包蓄不住隨事而發又曰心無私欲即是仁然又須識得此處便有本來融洩氣象乃為得之夫理自有用隨觸而發



藹然有如許氣像雖其方在氣中氣不用事時乍觸便應氣着脚手不得也然而理才動氣便隨之曷嘗有判作兩片各自為動靜而別有所為者乎惟其不相離而亦不相雜故雖當天地之氣昏明駁雜之時只是氣才如此理却只恁地但理弱而氣強管攝他不得故有人能弘道非道弘人之說也雖然仁義禮智根於心雖化物窮欲反覆措亡之餘或因反躬而求或因夜氣之思惻然而動藹然而發天理初未嘗息滅也其可以理之無為而只做空蕩底物事看耶

李曰退溪互發二字不能深見理氣不相離之妙性情本無理氣互發之理只是氣發而理勝除是有二性方有二情耳若與退溪之說則本然之性在東氣質之性在西自東而出者謂之道心自西而出者謂之人心此豈理耶若曰性一則又將以為自性而出者謂之道心無性而出者謂之人心亦豈理耶

出答牛  
濬第  
五書

愚謂李氏謂退溪不能深見理氣不相離之妙而有理氣互有發用之說然今按老先生所與奇氏反覆之意其答辨四之五曰古人以乘馬出入此理乘氣而行

蓋人非馬不出入馬非人失軌途人馬相須不相離或指言人行則不須并言馬而馬在其中四端是也或指言馬行則不須并言人而人在其中七情是也其取譬精切語意完備曷嘗有離氣言理之失乎孟子曰志壹則動氣氣壹則動志朱子曰志在此氣亦隨之此則志氣互有所動而志動氣亦隨也夫志氣之帥也氣志之卒徒也其相依附而不相離豈有以異於理之與氣哉然而各就所主而言之語勢不得不爾又可拍為互有所發而譏之乎大抵看文字各就地頭觀其志意之如何耳今以理氣不相離之故而將理發氣發字作理發時氣在一邊氣發時理在一邊揀至發在東在酉有性無性之語則非惟不察於理亦失看文字之法矣

凡此十九條所辨雖不能切中其膏肓然已畧執其咎矣自餘背理害義處亦多有之如以道心為本然之氣者失程夫子人心是人欲道心是天理之旨而反陷劉叔文以氣之精者為性之失以人生氣稟理有善惡之理說作秉氣流



行之理則失朱夫子此理字當作合字看之旨豈非韓子所謂擇焉而不精語焉而不詳者耶如此類詁亦不小而今不暇盡辨

附錄

栗谷李氏云程子曰人生氣稟理有善惡此曉人深切八字打開處也其所謂理者指其秉氣流行之理也非指理之本然也夫本然者理之一也流行者分之殊也理一則殊四字最宜體玩徒知理之一而不知分之殊則釋氏之以作用為性猖狂自恣也徒知分之殊而不知理之一則荀揚之以性為惡或以為善惡混也竊謂程子此段論生之謂性而發程子之意蓋謂此理隨在於氣中然後方謂之性五性感物而動或流於不善則已失性之本體然天下無性外之物不可以流於不善而不謂之性故有惡不可不謂之性之說其語意圓潤非初學所可領會故朱子以為程子此段引喻最難這處認得大意可也又曰惡亦不可不謂之性之說又似有惡性相似須是仔細看孟憲後學之錯看了今曰此曉人深切八字

打開處其亦異乎朱子之意矣况此理字不是說實理猶云理勢當如此故朱子  
曰此理字當作合字看其文義自分曉李氏之說乃如此蓋其從初辨別理氣兩  
字不出故其所以為說不親切而無意味如此是夫大抵此理既賦於人而為性  
則其本體真靜雖未發時只可謂之善不可道上面事空虛冥漠不可名狀直到  
感物而動然後方有善惡之可名此胡子性無善惡之說所以見非於朱子也今  
乃以理一分殊為理有善惡之證乃曰徒知理之一而不知分之殊則釋氏之以  
作用為性而猖狂自恣也蓋其意以為理是一箇籠侖底物事有其本然空蕩  
無可名及其流行而後善惡始分不復知冲漠無朕而萬象已具性無內外而體  
用一源之義其可謂知言乎

余嘗就栗谷與牛溪往復四七辨中畧有所辨破而於此條未之及焉今始  
為之並加評騭如此云

葛菴理氣辨終



祭齊山金公文

藕湖大山

氣機嬗變美惡參差商而叔季益益消滴鍾而在人詭陰候窳間有粹乳民鮮克遇  
維公之生實應其期頤而長身明目踈眉瑞日楊休中積和順良玉彩蘊外著輝潤  
生質洵美亦懋于學有美錦許有開講幄有來如雲以磋以琢公時最少已能見推  
山梁一壞畫皞孤狸維我外祖抱經獨悲實維公賴以相扶持外祖於公實稟期許  
詩贊玉人謂公其庶我乃不天我失我祖公有誄文情志惻傷公有狀行德徽揄揚  
遺文散佚公與編隲集覽未完公欲續筆公於外家兩世血心老大隱約思遠憂深  
公有令望華問日彰自持謙、藍尊以光侯伯擁篲交口以薦王曰如何予欲亟  
見再調于寢或試之郡亦既釋褐玉署薇院王有喜言予得詞臣天章有燦龍渚  
逾新蓋古際遇鮮克此比盈朝側聽何狀乃爾人為公榮公不色喜盛名易隳險途  
難盡君恩雖重義在難進先師行業自有本末世道反覆蒙彼污蠱舉幡有徒叫  
閭有䟽脩門九重關者見拒歛手來歸杜門自持講明墜緒歲寒是期彼姁者巧

舌百般追提冷迹誣辱無端公嘻謂人咎實在已我之不慎以及夫子我不有言何  
以自說辭疏有進一語附末聊以自處敢望申白 天威震撼事有不測五月杆挫  
六度析楊人謂公死神或扶將語有少遜實維時義此心炳然可質神鬼人有議公  
或失時措仁山紫海是誰之故曷不小遲待天所定我曰不然是豈公病生三義重  
所在致死人有誣言其忍坐視我自盡義寧知其外憂患倘來理亦無奈濟海洋  
往罹桤棘夷險一視敢有憂憾蟾江有游瘴霧臺舊隱舊里先師餘燭岳陽之野  
君山杳其竹有斑其風嫺惟悴澤畔其形有羈有時行吟念親憂時我懷伊阻  
我朋誰玩我觀理原周文孔豕我探數窟邵易楊等芻豢可口兩忘憂樂父子知己  
互為唯諾我觀于古得力每此悠天意或者在是公有六歌辭意絕悲我僧不揆  
妄有進規素位行患蓋亦自得公歆有書子猶不識慈闈裏邁夕照如飛我心非石  
我悲曷歸子或知我不責且希余有妄論公多有肯公亦有著許以評訂戒余輕俊  
勉余懋篤時或誤獎可與進學余張失葉繫公是依夜祝于天曷不遄歸師門有緒



公惟嗣述後生問學公為祭律嘻彼昊天十年不復誰謂一疾奄忽不起季通南徙  
卒以憂死赫、貳相終于青翔公歸地下底無落莫公有二子白眉最良既孝既友  
亦富文章蔡家仲默謂公即有後事有托庶幾不負余官于朝哭不以時瞻望南嶺  
有涕漣而最後一來儀容永閔我有拜跪公不迎視我有語言公不宣吐我有衷情  
公應鑒顧

清臺答大山書

五月望後自洛下還所惠長牘並別紙來在塵案瞻嚮之餘恍接聲歎即欲修復書  
少答眷意而難尋可付的便尚此稽遲愧負多矣即茲秋涼乍生伏惟侍省怡愉連  
床湛樂凡進修諸節日益冲裕相一向來洛行誠出於不得已累次除旨一向偃  
伏分義極有所惶悚欲肅命即歸而呈適之間費了數旬但衰病之軀往返無事  
依舊作清臺主人私分幸甚頃年所論忘不記一二而大槩因論太極動而生陽轉  
及於動靜者所乘之機矣承讀來書考證詳備頓覺開豁然鄙見終有所可疑者竊  
敢更陳而欲望高明之采擇焉公理氣一歟實是學問之頭腦根本而不過曰不相  
離不相雜而已就其不相離處而混淪言之就其不相雜處而分析言之從古聖賢  
諸說皆如此可攷而知也近世學問之弊專在於主張不相離處或作混淪者或作  
一物看所以其說疑似而難明若以動靜專歸於陰陽而所以動靜者歸之理則是  
理為體而氣為用理無為而氣有為也作用祇是氣而理為一死物也天地之化人



心之用皆是氣發而理乘之也。若然則朱夫子何不曰陰陽者所乘之機而乃言動靜耶？鄙意竊以謂動陽靜陰者太極所乘之機也。若如此看則此動靜字不專歸於氣自有太極所以然之妙。而文意語脉亦無重疊之患矣。況太極動而生陽是最初源頭理生氣理先氣後之時此處宜合着氣耶？若以理謂非死物而有本然之妙則動處恐不可如此說也。理既主張則雖資氣而動而當專言理如天命之命費隱費是指生陽生陰以後而朱夫子若他先儒皆以理言如鳶飛魚躍尤是尤氣之載理處而本註曰莫非此理之用無片言氣者何哉？朱子曰動而生陽只是理靜而生陰只是理退溪答鄭子中書引朱子理有動靜氣有動靜之語而其曰理動則氣隨而生氣動則理隨而顯濂溪之太極動而生陽是言理動而氣生也云云。况無情意無造作是理之體隨寓而發見是理之用為晚年宜論耶？動而生陽既是理動則此箇動靜宜可專歸於氣而別作他動靜耶？人乘馬之譬似矣。而若以作用專靠氣字則是不幾於馬載死人相似耶？且四端之理發氣隨高明曾作如何解耶？頭顧既誤則

無處不誤從古吾道異端之所以分實在於此不可於可分處不分之於不可分處  
分之也曾見申公益煨作一圖而太分理氣若以爲不相干涉此則矯枉過直而然  
矣今當洛行竊聞城中爲學者半是陽明法門或從事於黃老養生名爲朱學者所  
見亦多駁雜不純此所以有望於高明甚切且重庶或扶掖一世而使老先生道  
脉不寂寥於嶠南也今東方人孰不以老先生爲東方朱子雖黨議各立尊亦不同  
之時而亦一辭尊尚無異議然若不以先生之心爲心以先生之學爲學則非真尊  
也不知所以尊也不欲不盡所懷縷陳至此如有不可處幸望更賜反復而以爛熳  
同歸爲期如何昨春蚤院只是近處士友略討性理大全一兩卷豐山子仰大遊兩  
斯文後到不得穩展而罷矣其時或冀枉會而竟至落莫至今恨歎令季氏及李思  
安甫一見可知有志於爲己若多得似此不奪志於科業人與之參錯切磋磨則吾道  
豈不有望耶今便忙未各幅幸望不以咎而上煩議論與同消詳以祇甚喜甚喜  
理動氣生而其間不容毫髮故雖有先後而似無先後雖有動靜而似無動靜此



所以難於明辨而細分也然理氣自是二物理在形氣中雖似混淪不可分開而亦理自理氣自氣界分截然決不可毫髮侵紊故朱夫子若退陶先生於此等處下字造語極其嚴密所以其說擲擲不破為千古相傳正法也來書固多好語而細究其旨宗歸趣則似不免樂混淪而惡分析駁然有氣還分數偏重之病幸望更將朱書及老先生庚午歲與奇高峰答李公浩書仔細熟玩如何

附大山書

動靜所乘之機一段內既面論而有合不然不欲藏私護短永抱不決之疑敢復提說以卒承教蓋欲竊附於十反之義非敢以自直也蓋理之與氣本相須以為動相待以為靜動靜交資體用相循然理者所主以動靜之妙也氣者所資以動靜之具也故據理而統言則動靜固此理之流行也就其合而析言之則其或動或靜者即陰陽氣機之往來而乘載其上主張發揮之妙則太極之為也故朱子於此分而言之以明理氣道器之別蓋所乘者太極而動靜為其機焉若則謂

極乘機而有動靜則可謂動靜便是太極則是侵過陰陽界分。不明於形而上下之別矣。且以動靜為太極而所乘者又為太極則是以理乘理安有是哉。而其下又曰動靜不同時陰陽不同位而太極無不在焉。若動靜便是太極則又豈有所謂太極者復在其中耶。未論義理即文義語脉決不如是之重。但積疊矣。譬如人乘馬出入其出入者馬也。而乘馬而有出入者人。故據人而言則謂人有出入。然其實馬之出入而特據在其背上耳。近世為理氣之說者其主於不相離則殆認理為枯槁死物。允動靜闔闢皆氣機之自循固失之遠矣。而病其為此則又若以理為與氣相對而各自發用。恐是矯枉過直是亦枉而已矣。是以嘗竊妄意理之與氣雖有道器之分而其實混合無而間故分而為二而不害其為不相離合而為一而不害為不相離理不可外氣而獨立氣不能外理而自行天地之造化吾心之性情固皆如此而又須見得此理潔淨動而無動靜而無靜只在陰陽事物而亦不囿於陰陽事物初無聲臭影響而實根紐於造化品彙必如是兩下



大山溪林權聖

臣文淵目論此

條深許其明

該暢此當

論

詳見本集

功破對待立論然後方是周編圓備絕滲漏無病敗恐不可各主一見互相迷閃

如左右佩劍之勢也極知賤見不足以仰關崇輒而惡於承誨自納於處下窺高

一罪幸乞賜以一言之重有所嚮相而持循焉

不子嘗曰理有動靜故氣有動靜若理無動靜氣何自而有動靜乎此清臺先生

以主而為說者也朱子又曰謂太極含動靜則可有動靜則不可若謂太極便是

動靜則是形而上下不可分而易有太極之言亦贊矣此大山所主而為說者也

二先生說俱有所本合於此書之後附以大山書使後人有以考兩家議論本末

似好未知如何先賢文集多有此例恐不必為疑耳

中庸戒慎恐懼辨

清臺說

近聞花山李公楊論中庸首章之戒慎不覩恐懼不聞以為無動靜王川趙丈以為

專屬靜兩家徃復文字多至十數紙李公又引朱子答呂子約書曰若其思慮未起

之時早已戒惧非謂不戒惧于所覩所聞而只戒惧于不覩不聞也又曰無所不戒

俱者通乎未發已發而言兩箇說為證密菴丈亦主其論余聞而疑之李友大遂為  
寄一本來要余看破反復累日終有所不信轉以寄質於息山丈及吳致重則息山  
答書略曰子思之意槩以動處固不宜離道而性情之德自有體用其在靜時必有  
檢攝不放然後可以立大本為達道之源故推之故於見聞之前寂然之中欲其收  
捨不放過非姑借不覩不聞等事以明覩聞處工夫也又曰解經與書疏其體不同  
若解經則依經文本旨直切襯貼出來書疏則各隨其人議見抑揚汎濫無所偏滯  
又曰平說動靜則不可謂動時不戒懼靜時戒懼而其任傳文則不可須臾離歸重  
於不覩不聞也致重書亦曰戒懼一節不必廣引他說當就本經究解所謂不覩者  
不聞者是靜時子動時子正是目無覩耳無聞萬物未及萌芽至靜至寂一理混然  
時節也於此之時當下靜工夫當下兼靜動工夫於此亦下兼動靜工夫則人之一心無  
涵源養性時無以為不偏不倚之中具衆應萬之本矣是猶雷動於陽伏之日花發  
於陰閉之時其不為天地之定陰陽之度者鮮矣若潛心默識則兩論是非不待下



別而自明矣朱子已慮學者以戒惧字恐涉太重看故亦云畧。收拾來提起此心在這裏何必於此而致他惑立殊論乎答呂胡兩書之言尤有不然者朱子於答問諸論之際推行經旨發言外之意以為不但戒惧字不覩不聞之時亦當戒惧字有覩有聞之時為徹頭徹尾交修不息之工夫。此兩書所論與鄙見恰同不當更費言說以為架疊而但此是心學精微處不容毫髮差謬朱夫子以戒惧字不覩不聞專屬靜一邊者不止一二李公必舍此而勒取荅子約一書混說疑似處以為大證案者抑何意耶細玩無所不三字則其泛論戒惧之通貫動靜顯然明白援屬於此章恐失本文正旨也况靜存動察學者工夫不可廢一而不為也不覩不聞處可無動靜則存養一款更於何時用得也若以戒惧似涉於動了意思而謂之無動靜則是禪家撐眉努眼摸樣吾儒心法斷無此例也茲事是非熟讀中庸本文心經一書則當自得見今姑略記諸說之本末以自警勉云

大學繫矩辨

王川趙丈論大學之絜矩二字該解所釋似錯當曰絜也矩也道而李公樸亦以為然  
引朱子江德功書絜矩者度物而得方也今曰度物以矩則當為矩絜乃得其意說  
為證案密菴謂朱書中雖有此語不當局定訓解而該解所釋乃得傳文之旨云則終不改  
悟其答書曰本章註所謂推以度物者解絜字各得分願者解矩字下章註所謂度  
下之心重解絜字無不方者重解矩字又曰小註雙峯該微似來諭而亦推說矩字  
之意又引語類自家有一丈地及不是把那矩去量度及正如齊宣王見牛斂餼數  
反復論辨終不歸一乃者息山李文寄書論戒懼並及此釋曰趙說甚是蓋絜矩為  
學者言以其未曾有矩故欲其絜而得其矩也若以矩絜則何事於用力耶絜而為  
矩則強恕而行者矩以絜之夫子之道忠恕而已致重書曰若云絜之而得其矩則  
其所絜之者是何物乎無其矩而絜之云者是猶不權而知輕重不度而知長短况  
此章絜矩之君子已盡其格致誠正之功其所為齊治平之矩者綽有餘裕寧無可  
絜之矩乎朱書問答是一時難疑之言也經傳集註是平生精力合火之書也不



可執彼而疑此云：余頗從趙丈之說而猶有四分信不及處欲待日後小進論定  
 所見矣適得四書釋義考見則釋以矩又絜術道而又釋下文絜矩曰絜弋矩弋道  
 天余始釋然于心曰此釋出於老先生淨寫手本則後學豈敢有毫一他議耶大抵  
 諸家所爭不過兩箇說而已從本釋則是以矩譬於心也從趙說則是以矩為之方  
 也而細看本章集註有曰矩所以為方則是乃曲尺也有曰因其所同則是及本心乃  
 也此所以曲尺譬本心也下文註曰所措者約而所及者廣小註曰矩者心也此又  
 大段分曉而其所謂長短廣狹彼此如一以下乃言絜矩後功效也安得直以方之  
 之義解矩而以功效作工夫看耶朱夫子於經書傳註不註修改易簣乃已則其所  
 見得亦豈無始終異同處耶其可此說而疑此定論也的矣况饒胡諸儒註說八字  
 打開而退陶先生論定釋議如許分明則斷不可舍此從彼而密菴致重之竟主本  
 釋豈不甚善略書諸家所論之同異得失及自家淺見之始疑終信以備日後之私  
 覽云介





誄密菴文

今年夏李先生密菴公啓手足噫天其喪斯文耶後死者將安倣乎安陵李氏門實  
伊洛之程武夷之蔡也頃年二先生倡道蔚為後學宗師既而密菴公又繼起則四  
方學者靡然信從皆曰密翁即二先生也以所事二先生者事之於是乎斯道有所  
托吾嶺文獻之方尤彬彬如也其紹述羽翼之切豈不偉哉蓋治心窮理之學乃先  
生世傳物事而先生又天資過人間一知二薰濡興起之餘博取羣聖賢書俯讀仰  
思沉潛䟽淪既用功勤而造理深中間奉老先生杖屨流離竄遷於荒炎窮髮之鄉  
備嘗艱苦動心忍性見聞由此益博操履由此益篤前後積學凡六十餘年而後充  
然有得沛然有豫言語有章動止中節無一行可疵先生之於為人亦幾乎有成矣  
世之有志斯學者動用古昔論禮必曰文公家禮也論心性必曰心經近思錄也為  
文必曰朱子書也然果能得之心而行之躬敬義夾持博約交切好古而不泥處  
而不俗恰做得此箇真儒如先生者更有二哉文章最近古典雅精切自有尺度此

非用意為之所存而發者自然成章也如以先生全體妙用之學發而斯世論  
道庶可以淑人心扶世道而聖主晚聞其賢緩一命而先生下世庸非天耶不任  
兄弟忝在相借之末久矣甲申以後雖抱山頽之痛猶幸先生無恙徃徃以文字反  
復求教亡論疑文晦鄙即如金德三祕無動靜未發前中在何處之論不以鄙見為  
非豈偶之同歟每因士友來欲約聚於青鳧山水間為旬日之好而今已矣先生易  
簪後家兄遽癘又不起始知吾鄙同一運氣張張畸世殆不能自立先生倘有知其  
能陰誘迷衷俾不至顛倒否聞寔有期而兄喪尚在淺土中奔走謀葬未暇致鵷  
絮之奠只以寂寥數語達報衆壤豈謂知先生者悲夫



嘉君卜地辦清涼。迥絕囂塵與小堂。客至啜茶山鳥勸，興來麝韻筆花香。  
林偏窈窕心神靜，澗玉涼琤趣味長。况有聖賢書滿案，青春須戒學迷方。

又

山色周遭樹韻涼。中藏蕭灑一茅堂。嚶嚶好鳥添真樂，艷艷幽花送遠香。  
玩物膏襟知快適，看書意味覺悠長。勸君莫被因循誤，須趁青春悟學方。

壬午夏龜山翁次

暮雨纖收月影生。飄飄衣袂御風輕。江也是無今古休，  
舊扁舟自在行。

菴湖延日丈

卷之四

子

待史

金

一

一

一

一





